


№ 6

საგონისტო - 31

1920 წ.

მ გ მ ბ ა

ორკვირული საგონისტო კურსი



ეროვნთა კავშირის კომიტეტის ორგანო



W 6

შ ი ნ ა ა რ ს ი


კვარი

1. ეკონომიური მდგომარეობა და ჩვენი ერობა	3
2. ბიუჯეტი და ეკონომიური შემოქმედება	5
3. პროფ. ს. ავალიანი. — თემის საბიუჯეტო უფლებების შესახებ	7
4. დ. ს — ლი. — თემის კანონ-პროექტის გამო	10
5. დ. ონიაშვილი — საერთო მოხსენება	11
6. დ. თურდოსპირელი — ჩამორჩენილს მაზრებში	18
7. ექიმი ი. ლომოური — ტფილისის სამაზრო ერობის საექი- მო-სასანიტარო განყოფილების წარსული საქმიანობის და ახლო მომავლის სამოქმედო გეგმის მოკლე მიმოხილვა	22
8. ექიმი — ვეტერინარი ლაშხაური — ცხვარ-საქონლის ავად- მყოფობანი და მათთან ბრძოლა	27
9. მ. ქარცივაძე — ხეხილის ბალის გაპატივება	32
10. მ. ყოჩიაშვილი — სტიქიურ უბედურების შედეგები სიღნა- ლის მაზრაში	37
11. გ — ს. — ერობათა კავშირის განსაკუთრებული კომისია	42
12. გ — ლი — საქართველოს ტერიტორიის დაყოფის პროექტი	44
13. პატარა შენიშვნა	45
14. ქრონიკა	46
15. მასალები მუშათა დელეგაციისათვის	55
16. შრომის ბირჟის მოწოდება	57
17. ბალანსი	59
17 კრიტიკა და ბიბლიოგრაფია	61




მ რ თ ბ ა

ორკუთხეული საერთო ჟურნალი



ეროზთა კავშირის კომიტეტის ორგანო



5665

ტფილისი. ქართველთა ბეკლდითი ამხანაგობის სტამბა, რუსთაველის პრ., № 26.
1920





ეკონომიური მდგომარეობა და ჩვენი ქროზა.

მსოფლიო ომმა და საერთო პირობებმა, რომელშიაც დღეს იმყოფება მთელი ევროპა მეტად მძიმე, აუტანელი ეკონომიური მდგომარეობა შექმნა. ხალხის დოვლათი განიავდა, შრომის ნაყოფიერება დაეცა, ხელფასი კი საგრძნობლად გაძვირდა, ფულის კურსი მინიმუმამდე დავიდა.

ამ საერთო ეკონომიურ საყოველთაო დაერდომილებას ვერც ჩვენი რესპუბლიკა გაუმკლავდებოდა. ჩვენში კიდევ უფრო მძიმე პირობები იყო ამ მხრივ. მთელი ჩვენი ეროვნული, ინტელექტუალური ძალა პოლიტიკურ სიმაგრეს მოუწდა. ჩვენი რესპუბლიკის ეკონომიური მხარე მეორე ხარისხოვან საკითხად დარჩა.

დღეს მდგომარეობა საგრძნობლად შეიცვალა. პოლიტიკუარად საკმაოდ მოვმაგრდით, ხოლო ეკონომიურად ვსუსტდებით. პირველი მოთხოვნილების საგნების ფასი დღითი დღე მატულობს, ჩვენი ბონი თანდათან ეცემა. იბადება საშინელი საფინანსო და ეკონომიური კრახის საშიშროება.

ამ საერთო პირობებს თან დაერთო კიდევ ჩვენში ზედიზედ მოუსავლიანი წელიწადი. ამ უკანასკნელ წლების განმავლობაში ჩვენი გლეხი ხეირიანად ვერ გამაძლარა.

მთავრობა ყოველივე ღონის ძიებას ხმარობს ეკონომიურ მდგომარეობის გამოსაჯანსაღებლათ. ბევრგვარი ზომებია მიღებული საღი, ეკონომიური პოლიტიკის შესაქმნელად. მაგრამ მარტო მთავრობის ბრძოლა ეკონომიურ კრიზისთან ვერ მოგვცემს სავსებით დამაკმაყოფილებელ შედეგს, თუ მას ჩვენი ერობა არ ამოუდგა გვერდში. ამ მხრივ ძალიან დიდი მოვალეობა აწევს კისრად ჩვენს ახალგაზდ თვითმართველობას. დღეს, მართალია ერობა ებრძვის სოფლად გამეფებულ სიმშინს, ეხმარება ეკონომიურად შეწუხებულ ხალხს, მაგრამ ჯერ კიდევ, სამწუხაროდ მისი ღონისძიებანი ისე მცირეა, რომ სანახევროდაც ვერ დააკმაყოფილებს ხალხის გაჭირვებას. ჯერ კიდევ ერობა თავის საკუთარი შემოსავლით მიმდინარე ხარჯებსაც ვერ ფარავს.

მაგრამ ეს გარემოება ჩვენში სრულიადაც არ იწვევს უიმედობას, მხოლოდ აუცილებლად საჭიროა თვითეულმა ერობამ გამოიჩინოს მეტი უნარი, მეტი საქმიანობა და გამჭირიანობა. ვინ არ იცის, რომ თვითეულ ჩვენს მაზრაში მოიპოვება ისეთი ბუნებრივი სიმდიდრე, რომლის დამუშავება, ერობას მუდმივ შემოსავლის წყაროს გაუჩენდა. აბრეშუმი, მატყლი, თამბაქო, ღვინო, ხილი, ერბო, ყველი, ხე—ტყე, შავი ქვა, ქვა-ნახშირი და მრავალი სხვა სიმდიდრე ჩვენი რესპუბლიკის ყველა კუთხეში მოიპოვება—მაგრამ საჭიროა ამ სიმდიდრის ნაყოფიერად გამოყენება, საჭიროა მისი ამოძრავება და სააღებ-მიცემო ასპარესზედ გამოტანა, მისი მოხმარება. დღეს ჩვენი სოფლების ნაწარმოებით წვრილი ჩარჩ—ვაჭრები თუ სხვილფეხა სპეკულიანტები უფრო მეტს სარგებლობენ ვინემ ჩვენი ერობები.

ცხადია, საწარმოო საქმის შექმნას პირველ ხანებში დიდი თანხა სჭირია, რაც ერობას არ მოეპოვება, მაგრამ მთავრობა ასეთ შემთხვევებში არასოდეს არ დაიშურებს მისცეს ერობებს სესხი. თანხის გარდა საჭიროა საქმის მცოდნე სპეციალისტები, რითაც ჩვენ არც ისე ღარიბნი ვართ: მოგვეპოვებინან ინჟინრები, ტექნიკოსები, აგრონომები და სხვა. საჭიროა მხოლოდ მათი გამოძებნა.

ამ მხრივ აღსანიშნავია გურიის ერობის საქმიანობა, იქ უკვე მოაგვარეს ხე-ტყის ქარხნის საქმე. ეს ქარხანა გურიის ერობას საკმაო შემოსავალს მისცემს. ერთი ერობის საქმიანობა მეორესათვის მისაბაძი და საშაგალითო უნდა იყოს.

სამ მეოთხედს ჩვენი სახელმწიფოს მოსახლეობისას სოფელი შეადგენს; სოფელია ჩვენი სახელმწიფოს ქვაკუთხედი, ის არის ჩვენი რესპუბლიკის ფუძე. ამისათვის ერობამ თავის შემოსავლით არამც თუ თავის საკუთარი საჭიროება უნდა დააკმაყოფილოს, არამედ მთელ სახელმწიფოსაც უნდა შეუწყოს ხელი. დღეს თუ ეს ასე არ ხდება, ვეცადოთ ხვალისათვის გამოვასწოროთ საქმე. აღებული სესხი ერობამ უნდა მოახმაროს უმთავრესად საკუთარ საქმიანობის მუდმივ შემოსავლის წყაროს შექმნას. ესაა მთავარი საზრუნავი საგანი.

რაც შეიძლება მეტი აქტიური და პირდაპირი მონაწილეობა ჩვენი რესპუბლიკის ეკონომიური ცხოვრების მოგვარების საქმეში!



გიუჯასტი და აკონომიური უამოქმედაბა.

დამფუძნებელმა კრებამ, რომლის სხდომები 17 აგვისტოდან 15 ოქტომბრამდე შესწყდა, დაასრულა საქართველოს პირველი სახელმწიფო ბიუჯეტის განხილვა და დამტკიცება. მართალია ეს ბიუჯეტი არ იყო უნაკლო არსებითად და ფორმალურად, მაგრამ მისი შედგენა თანამედროვე გართულებულ პირობებში არც ისე ადვილად დასაძლევია საქმე განხილვით, როგორც ეს ზოგიერთებს ეჩვენებათ. ყოველ შემთხვევაში ახალ-გაზრდა რესპუბლიკის საბიუჯეტო ცხოვრებაში პირველი სიტყვა ნათქვამია. ეს გვაიმედებს, რომ სულ ახლო მომენტში საბიუჯეტო საქმე გამოსწორდება.

ამ იმედს კიდევ უფრო გვიმტკიცებს საბიუჯეტო ფორმულა, მიღებული დამფუძნებელი კრების მიერ სახელმწიფო წლიურ ხარჯთ-აღრიცხვის განხილვის დასასრულს.

ამ ფორმულაში გათვალისწინებულია ის მძიმე ეკონომიურ-ფინანსიური მდგომარეობა, რომელშიც ჩვენ ვიმყოფებით. მაგრამ აქვეა აღნიშნული ღონისძიებათა მთელი წყება, რომელსაც შეუძლია ეს მდგომარეობა გამოაკეთოს და გამოასწოროს.

მთავრობას ევალება შემოდგომის სესხის გახსნისათანავე წარმოუდგინოს დამფუძნებელ კრებას კანონ-პროექტი უმაღლეს ეკონომიურ საბჭოს დაარსებისა. ეს საბჭო თავს-მოუყრის, შეაერთებს, შეაკავშირებს ყველა ცხოველყოფილ ძალებს და ერთი მთლიანი ეკონომიურ-ფინანსიური გეგმის თანახმად ამუშავებს მათ რესპუბლიკის საკეთილდღეოდ.

გარდა ამისა დამფუძნებელი კრება თავის პირდაპირი გადაწყვეტილებით აღიარებს, რომ დაცული ქნეს აუცილებელი პირობა სახელმწიფო ხარჯთ-აღრიცხვისა-სწორწონილობა სახელმწიფოს შემოსავალსა და გასავალს შორის.

ერთი მეტად მნიშვნელოვანი საკითხია საბოლოოდ გადაჭრილი საბიუჯეტო ფორმულაში. ეს არის თვითმართველობათათვის სესხის საკითხი. სახელმწიფომ სესხი უნდა მისცეს თვითმართველობას. ეს აუცილებელია, უამისოდ შეუძლებელია თვითმართველობის საქმიანობის წინსვლა. მაგრამ სესხი მას უნდა ეძლეოდეს მხოლოდ წარმოებისათვის და ისიც მაშინ, როცა თვით წარმოება შესწავლილ-დაფასებული იქნება წინასწარ ეკონომიური და ტექნიკური თვალსაზრისით.

მაგრამ თვითმართველობა დღეს არსებითად იგივე მართველობაა. მაშასადამე იგი უნდა უძღვებოდეს სახელმწიფო მართვა-გამგეობის საქმეს ადგილობრივ. ამ დიდ საქიროებას დაკმაყოფილება უნდა, რაც თვითმართველობის ნივთიერი ხელმოკლეობის გამო შეუძლებელია, თუ სახელმწიფოს ცენტრალური ორგანოები ფინანსიური დახმარებით არ მიეშველენ. რომ თვითმართველობის საბიუჯეტო ავტონომიის საფუძველი მიღებულ იყოს, რომ საბოლოოდ გარკვეულ უფლებრივ კალაპოტში იყოს ჩაყენებული ადგილობრივი თვით მართველი ერთეული, მაშინ შესაძლებელია თვითმართველობისათვის აღარ იქნებოდა აუცილებლად საჭირო ასეთი სახელმწიფო ფინანსიური დახმარება მმართველობის ორგანიზაციის მოსაწყობად. ყოველ შემთხვევაში მაშინ სულ სხვანირი, უფრო ნორმალური ფინანსიური ურთიერთობა დამყარდება ცენტრალურ და ადგილობრივ მმართველობის შორის მართვა-გამგეობის საქმეთა გასაძღოლად. ხოლო სანამ ეს არ გამოიკვეყლა, სანამ არ დაკანონებულა თვითმართველობის განსაზღვრული საბიუჯეტო უფლება, უნდა გაეწიოს თვითმართველობას ხაზინიდან დახმარება მართველობის აპარატის მკვიდრ ნიღაღზე დასაყენებლად, როგორც ამას ამბობს საბიუჯეტო ფორმულა დამფუძნებელი კრებისა.

მოკლეთ უმაღლესი ეკონომიურ საბჭოს დაარსება, სახელმწიფო ბიუჯეტის სწორწონილობის დაცვა, თვითმართველობისათვის სესხის მიცემა მხოლოდ წარმოებისთვის, თვითმართველობის საბიუჯეტო უფლების გამოიკვევა კანონმდებლობითი გზით, მანამდე თვითმართველობისათვის ხაზინიდან დახმარების აღმოჩენა მართვა-გამგეობის საქმის გასამტკიცებლად, მმართველობის გამარტივება და ხალხისთვის დაახლოვება-აი დამფუძნებელი კრების გადაწყვეტილება, აი მის მიერ ნაჩვენები და ნაკარნახევი გზა.

ეს კარგად უნდა შეიგნოს, კარგად უნდა დაათსოს და, რაც უმთავრესია, კარგად უნდა შეასრულოს ყველამ, ვისაც ეხება და მოეთხოვება.



თემის საზოგადო უფლებების შესახებ

მეოთხე მუხლს კანონ-პროექტისა თემის შესახებ აქვს სათაური „ფინანსები, საბიუჯეტო უფლებები, ანგარიში“. ეს ძირითადი ნაწილი კანონ-პროექტისა შემუშავებული არ არის; ეს „ნაწილი შემუშავდება მაშინ, როდესაც შემუშავდება ადგილობრივ თვითმმართველობათა უფლება“. ჩვენ ვიცით, რომ ადგილობრივ თვითმმართველობათა საბიუჯეტო უფლებების პროექტის შესახებ განუწყვეტელი მსჯელობა არის. არ ყოფილა არც ერთი ყრილობა ერობის, მთავრობის, რომ ეს საკითხი არ აღძრულიყოს. კომისიებიც იყო არჩეული, სადაც პროექტიც უნდა იყოს უკვე დამუშავებული. ბოლოს და ბოლოს ეს პროექტი არ იქნა დამთავრებული. თემის კანონ-პროექტი შემუშავებულია, მხოლოდ საფუძველი თემისა კი არ არის. რა სახით მოეწყობა თემი, თუ მას არ ექნება სალსარი? კანონ-პროექტში არის „სქემატური გეზი საბიუჯეტო უფლებისა.“ ეს გეზი შემდეგი ზოგადი დებულებებით გამოიხატება: 1) საზოგადო სახელმწიფოებრივ საქმეთა შესასრულებლად სალსარს იძლევა ხაზინა, 2) სახელმწიფოებს ეხმარება თემს დოტაციის და სუბსიდიის საშუალებით, 3) დაბეგვრა სწარმოებს „დამატებითი სანტიმების“ სისტემით უმთავრესად საეროზო გადასახადებთან. ეს ზოგადი დებულებანი ძლიერ ბუნდოვანია. ექვს გარეშეა, სახელმწიფო ვაიღებს ხარჯს, როდესაც ერობას, თემს რაიმე სახელმწიფო საქმეებს დაავალებს. მხოლოდ არც ამ ზოგად დებულებაში, არც ჩვენ ცხოვრებაში არ არის განსაზღვრული რა არის ის რასაც კანონ-პროექტი უწოდებს „სახელმწიფოებრივ საქმეს.“ ამ ცნების შინაარსი ჩვენ ცხოვრების პირობებში ბადებს დიდ უთანხმოებას. თუ ერობა, ან თემი არის თვითმმართველობა, მაშინ „სახელმწიფოებრივი საქმე“ ვასაგებია. თუ ერობა, თემი წარმოადგენს ადგილობრივ მართველობას მაშინ ყველა ის რასაც ერობა, ან თემი აკეთებს არის სახელმწიფოებრივი საქმე და სახელმწიფოს დამოკიდებულება ადგილობრივ მართველობასთან იღებს სხვა ხასიაფს, ვიდრე მაშინ, როდესაც ერობა, თემი წარმოგვიდგენია, როგორც ადგილობრივი თვითმმართველობა.

მეორე ზოგადი დებულება შეეხება სახელმწიფოს დახმარებას დოტაციის და სუბსიდიის საშუალებით. ეს დოტაციები და სუბსიდიები იქმნება საზოგადო სახელმწიფო გადასახადებიდან. ეს წესი გადმოაქვთ პროექტის შემდგენლებს უცხოეთიდან და ფრიალ ცნობილი და ჩვეულებრივი წესია და განმარტება მას არ სჭირდება. მხოლოდ, როდესაც დოტაციებზე და სუბსიდიებზე არის მსჯელობა უნდა მივიღოთ მხედველობაში შემდეგი: თემის წვრილი ერთეულის, საბიუჯეტო უფლებები, უნდა შეფარდებული იქნეს ერობის საბიუჯეტო უფლებებთან და სახელმწიფოს დოტაციები და სუბსიდიები, რომლებიც თემს მიეცემა უნდა იქნეს აგრეთვე შეფარდებული იმ დოტაციებთან, რომელიც ერობას მიეცემა. სახელმწიფოს დოტაციები და სუბსიდიები თემისათვის გაღებული იქნება დამოუკიდებლათ ერობის დოტაციებთან და სუბსიდიებთან, თუ სახელმწიფო პირდაპირ მიმართავს თემს. ამ საკითხზედ კანონ-პროექტი არ იძლევა პასუხს.

მესამე ზოგი დებულება შეეხება დაბეგრვას, „დამატებითი სანტიმების“ სის-
ტემით უმთავრესათ საერობო გადასახადებთან. ამ მუხლს აქვს განმარტება, რომ
ეს წესი მაშინ იქნება დამაკმაყოფილებელი, როდესაც შეიცვლება დახავსებული
გადასახადთა წესდება. ამ დებულების განხორციელება გადადებულია. მაშასადამე
დარჩა დღეს დღეობით ორი უმთავრესი წყარო თემის არსებობისა: სახელმწი-
ფო ხაზინის დახმარება, როდესაც თემი აწყობს სახელმწიფოებრივ საქმეს. ასე-
თი დახმარება, უკეთ ვთქვათ ხარჯების გაღება ხაზინის მიერ ვერ ჩაითვლება
დახმარებათ და არც შეეხება თემის ბიუჯეტს, ვინაიდან თემი მხოლოდ აღმასრუ-
ლებელი იქნება სახელმწიფოს დავალებისა და თემის ნება ამ დავალებით ქვეშე-
შავებაში არ იქნება გამონატული, თემი მხოლოდ გამოვა როგორც სახელმწი-
ფოს ნების აღმასრულებელი. თანხებს, რომელსაც სახელმწიფო გაიღებს სახელ-
მწიფო საქმეების მოსაწყობათ თემის საშუალებით, არ შეადგენენ თემის ბიუ-
ჯეტის პარაგრაფებს, არ შეადგენს ორგანიულად, რამდენათაც თემი იქნება აღმა-
სრულებელი სხვისი ნების, იმდენათ მისთვის უცნობი იქნება ამ ნების განზრ-
ახანი. თემს რჩება დოტაციები და სუბსიდიები. ადგილობრივმა მოღვაწეებმა
ძლიერ კარგათ იციან რას წარმოადგენს დოტაციები და სუბსიდიები, რა თან-
ხები სდგება ამ დოტაციებიდან; კარგათ იციან აგრეთვე რა შესდგება „დამატე-
ბითი სანტიმებით“ გადამუშავებული რომ იქნეს ახლო ხანში ერობათა სასარ-
გებლოთ არსებული გადასახადები.

კანონ-პროექტი თემის შესახებ იმ ნაწილში, რომელიც შეეხება ფინანსების
საბიუჯეტო უფლებებს, სდგას ძველ ნიადაგზედ. საბიუჯეტო უფლებები გამო-
იხატება გადასახადების მოწყობაში. გადასახადები არის საფუძველი საბიუჯეტო
უფლებებისა. ეს დებულება სადაო არ არის. სახელმწიფო, ერობა, ქალაქის
თვითმართელობა დღეს დღეობით ვერ უარყოფს გადასახადებს. გადასახადე-
ბი არის მოქალაქეს მონაწილეობა სახელმწიფოს, ერობის, თემის აღმშენე-
ბლობითი მოღვაწეობაში. სახელმწიფო, ერობა აწყობს ცხოვრების პირო-
ბებს მოქალაქისთვის, მოქალაქე ვალდებულია აუნაზღაუროს ეს მოღვაწეობა.
რაც უფრო მეტი ხარჯი აქვს სახელმწიფოს ან ერობას, რათა შექმნას
შესაფერი პირობები ცხოვრებისა, იმდენათ მეტი უნდა იყოს მოქალაქის
მონაწილეობა. ეს მოვალეობა უნდა იქნეს განაწილებული. მეტი ვალდე-
ბულება უნდა დაედოს მას, ვისაც უფრო მეტი სარგებლობა აქვს. ამ ვალ-
დებულების განაწილება არის შედეგი იმისა, თუ რამდენათ მოქნილი აპარატი
არის. საბიუჯეტო უფლებები თემისა დაყრდნობილია ამ ძველ წყაროზედ, და
დღეს ჩვენ იძულებულნი ვართ დავეყრდნოთ ამ წყაროს. მხოლოდ უნდა წინა-
სწარ იქნეს გათვალისწინებული, რომ ეს წყარო თავის თავათ დაუმრეტელი
არ არის და ვერ გასწვდება ყველა იმ მოთხოვნისა, რომელიც დღეს არის
სახელმწიფოს შენების ხანაში. გადასახადი, როგორც საფუძველი ბიუჯეტისა,
არ არის მტკიცე ნიადაგი და ამ ნიადაგზე დაყრდნობილი საქმე არ გაკეთდება.
ამაში ჩვენ სავსებით დავრწმუნდით. მართალია, ბევრი მსჯელობა იყო თვითმარ-
თველობის საბიუჯეტო უფლებების შესახებ, მაგრამ საბუთად ეს საკითხი არ

არის თავსამტვრევი. საკითხი მარტივია, მას მხოლოდ ჩამოყალიბება სჭირდება. მხოლოდ უნდა აღვიაროთ, რომ ვისაც სურს ბიუჯეტი ააშენოს გადასახადებზედ ის შემცლარი არის და იმედები გაუცრუვდება. საბიუჯეტო უფლებების გამომუშავება, რომელებიც დაეყრდნობა მხოლოდ გადასახადებს, ვერ იხსნის თემს, ერობას, გასაჭირისაგან.

ეს დასკვნა უნდა მივიღოთ და საკამათოთ ნულარ გავხდით. კანონ-პროექტი თემის შესახებ ძველი, უკვე გამოკვლეული გზებით სარგებლობს, ახალი გზები არ არის ნაჩვენები. ცული მხარე კანონ-პროექტისა მხოლოდ იმაში არის, რომ საკითხის ჩამოყალიბება გადადებულია. მთავარი საკითხის გადაჭრა გადადებულია ვინ იცის რა დროსთვის და როდემდე. რა აზრი აქვს მთელ კანონ-პროექტს თუ თემს არ ექნება საშუალება არსებობის, თუ თემის სახსარი არ არის გარკვევით ნაჩვენები და ეს სახსარი არ მიეცემა თემს, რა ნაირათ უნდა შეასრულოს ის დიდი საქმე, რომელიც მას კანონ-პროექტის ძალით ევალება. ჩვენ ვფიქრობთ რომ ჯერ სწორეთ სბაიოჯეტო უფლებები, ფინანსების საკითხი უნდა ყოფილიყო გამორკვეული და შემდეგ აგებულიყო კანონ-პროექტი. ჩვენ გვიპასუხებენ, რომ კანონ-პროექტის განახორცელება არ მოხდეს ახლო მომავალში, მანამდის კი ფინანსების კითხვაც გადაწყდება და ეს ნაწილი კანონ-პროექტისა დამუშავდება. თემის ფინანსებს, საბიუჯეტო უფლებებს ის მნიშენელობა აქვს, რომ აძლევს თემს სახსარს; სახსარის რაოდენობა, თემის შესაძლებლობა განსაზღვრავს მის მოქმედების შესაძლებლობას.

ეს ჩვენი მოსაზრება ვათვალისწინებული ჰქონდათ კანონ-პროექტის შემდგენელებსაც; მათ საბიუჯეტო უფლებების დამუშავება გადასდეს, რადგან „არ იქნება შეზავებული მთავრობის საფინანსო განზრახვებთან.“ მხოლოდ მცირე განმარტებითი ბარათში არ არის ნათქვამი რა მოსაზრება აქვთ საერთოდ ამ საკითხის შესახებ კანონ-პროექტის შემდგენლებს. განმარტებითი ბარათი იმდენათ მოკლე არის, რომ კანონ-პროექტის შემადგენლების განზრახვანი მკითხველისათვის არ არის ნათელი.

პროფ. ს. ავალიანი.



თემის პანონაკროპის გავრცელება

(ორიოდესიტყვა)

ჩვენში ახლად აღორძინებული ერობა და მისი ერთ საფეხურთაგანი თემი, არის აზრით მხოლოდ ადგილობრივი მეურნეობისა და საზოგადოებრივ კულტურული ორგანო, ის არის იაკრეთვე ადგილობრივი მართველობა, — სახელმწიფოებრივი დაწესებულება. ჩვენი დემოკრატიული ადგილობრივი თვითმართველობის ორგანოები უნდა გამსჭვალული იყვნენ იმ აზრით, რომ ყოველი მათი მოქმედება არის იმავე დროს სახელმწიფოებრივი მართვა-გამგეობა.

თემი არის ის საძირკველი, ის ბურჯი, რომელზედაც დაყრდნობილია მთელი სახელმწიფოს სხეული და თუ თემი ჯანსაღი არ არის, — ავადმყოფია მთელი რესპუბლიკაც, — თემის კეთილდღეობა და მისი სიმტკიცე, არის რესპუბლიკის კეთილდღეობა და სიმტკიცე.

თემს უნდა ჰქონდეს საშუალება და უფლება, რომ თავის საქმეებს პირნათლად გაუძღვეს და რესპუბლიკის კეთილდღეობა განამტკიცოს.

ამავე დროს თითოეული თემი შეთანხმებულად უნდა მოქმედებდეს დანარჩენ თემებთან და მისი ინტერესები გადაჯაჭვული უნდა იყვეს მთელი რესპუბლიკის ინტერესებთან, — ცხადია საშუალება და უფლება, ერთი უნდა იყოს ყველა თემებისთვის და მათი მოქმედება შეზავებული. და რომ თემის ცხოვრება, მისი მეურნეობა და კულტურულ — საზოგადოებრივი მოქმედება, ერთს ფარგალში იყოს ჩამოსხმული, რომ ერთ თემში სხვანაირათ არ სჭრიდენ საკითხს ვიდრე მეორეში და ამნაირათ აცილებულ იქნას ის დომხალი, რაც ამისთანა შემთხვევებში ხდება ხოლმე, — უადრესათ საჭირო იყო შემუშავება ისეთი დებულებების, რომ თემებს მისცემოდა ერთნაირი ნორმა ვალდებულება — უფლებების მხრივ.

ერობათა კავშირის კომიტეტმა ადრე მიაქცია ყურადღება თემთა უფლებრივ ნორმებში ჩამოყალიბების საჭიროებას და თავიდანვე შეუდგა ამ ფრიალ საპასუხისმგებლო და საყურადღებო საკითხის გადაჭრას. ამ მიზნით მის მიერ მოწვეული იყო თემთა წარმომადგენლების თათბირი, სადაც კომიტეტს მიეცა საშუალება გასცნობოდა პირდაპირი წყაროდან თემის სულის კვეთებას, მის მოთხოვნილებას და მათ მოსაზრე-

ბებზე დაყრდნობილი, უფრო ენერგიით შესდგომოდა თემის დებულების შედგენას.

თუ მხედველობაში მივიღებთ იმ მძიმე პირობებს, რომელიც შექმნილია ეხლა ჩვენს გარშემო, რის გამოა კომიტეტს არ ჰქონდა ბევრი დრო და საშუალება დამუშავებით და გულდადებით ემუშავნა თემის ვალდებულება-უფლებების ჩამოყალიბებისთვის, უნდა აღინიშნოს, რომ კომიტეტმა გადალახა ეს დაბრკოლებანი და ეხლა ჩვენ ხელთ არის მის მიერ დამუშავებული თემის დებულებათა პროექტი, რომელიც წარედგინება უმაღლეს სახელმწიფო დაწესებულებებს განსახილველად და დასამტკიცებლათ.

ერობათა კავშირის კომიტეტმა კარგათ უწყობდა, რომ „თუ საძირკველი დანგრეულია, მაშინ კედლების აშენებისთვის ყოველი შრომა დაკარგულია“ და ამიტომაც არის მისი გულისყური მიქცეული თემის მდგომარეობის გაუმჯობესებისაკენ და იგი არ აკლებს არც შრომას არც ენერგიას, რომ ეს მიზანი კეთილად დაგვირგვინდეს...

დ. ს—ლი.

საერთო მოხსენება

დ. ე. ონიანაშვილისა ტფილისის მაზრის. ერობის განმგებლის მოქმედებაზე.

(ხმოსანათა მე VII-ე ყრილობის ანგარიშებიდან).

1) მომხსნებელი ამბობს, რომ შარშანდელი ხარჯთ-აღრიცხვა უდრიდა 28 მილიონ მანეთზე მეტს. ამ ხარჯთ-აღრიცხვით დასახული სამუშაო გეგმა მთლიანად ვერ შესრულდაო. ეს აიხსნება იმ ობიექტიური პირობებით, რომლებიც არ აძლევდნენ გამგეობას შეძლებას ფართოდ გაეშალა ხელი. ამ შემაფერხებელი პირობებით აიხსნება მაგალითად ის, რომ განძრახული იყო სახელოსნოების მოწყობა, მაგრამ თითქმის არაფერი გაკეთებულა ამ მხრივო. წარსულმა წელიწადმა განვლო დეფიციტით: გასავალი იყო 28080236 მან.; შემოსავალი—21,871686 მან. მაშასადამე დეფიციტი აღემატებოდა 6 მილიონ მანეთ-

სა. ეს არის ნავარაუდები დეფიციტი; ხოლო ფაქტიური დეფიციტი-კი გაცილებით ნაკლებია, სახელდობრივ იგი შეადგენს 1,1/2 მილიონ მანეთსო, რაც აიხსნება მით, რომ გამგეობამ ხარჯთ-აღრიცხვა სულ ვერ ამოსწურა. ამის შემდეგ მომხსენებელი იძლევა მოკლე დახასიათებას ცალკ-ცალკე განყოფილებათა მოქმედებისას.

2) საადგილ-მამულო დარგი. თანდათანობით აღნიშნულ განყოფილების საქმიანობა იღებდა ნორმალურ მიმდინარეობას და გასული წლის მეორე ნახევარში, შეიძლება ვსთქვათ, რომ იგი წესიერ კალაპოტში იყო ჩაყენებული. იმ დეფექტებს, რასაც დასაწყისში ადგილი ჰქონდათ შემდეგში აღარა ვხედავთ. როგორც მოგეხსენებათ მიწის რეფორმაში ორი მთავარი მომენტია—ეს არის ჩამორთმევა მამულებისა და შემდეგ მათი განაწილება. ერთი ნაწილი ამ რეფორმისა გათავებულია და გვაქვს ცნობები თუ რამდენი უნდა გადაეცეს გლეხკაცობას. მთელ მაზრაში უნდა დაურიგდეს ღარიბ მშრომელ გლეხკაცობას 28,533 დესე-ტინა და 1422 საე. მიწა, რაც მიეცემათ მათ სულ მცირე ფასებში. შეფასებულია ეს მიწა 19273373 მან., რომელიც შემოვა ხაზინაში, ხოლო 10% ამისა შემოვა ერობის კასაში. ერობის კასაში შემოვა აგრეთვე 40% გაყიდულ მიწების ღირებულობისა. ეს ჯერჯერობით კანონპროექტია, მაგრამ იგი უსათუოდ კანონად იქცევა. იმავ კანონ-პროექტით გათვალისწინებულია, რომ ეს ფული უნდა მოჰხმარდეს უსათუოდ თვით მამულის გაუმჯობესების საქმეს.

შემდეგ, საადგილ-მამულო განყოფილებამ აღძრა შუამდგომლობა მიწად-მოქმედების სამინისტროს წინაშე, რომ ნაწილი ზოგიერთ მამულე-ბისა გადმოსცემოდა ერობას და სამინისტრომ ეს შუამდგომლობა განყოფილებისა დააკმაყოფილა. ამ რიგად გადმოდის ერობის განკარგულებაში 23 ნაჭერი მამული და იქნება საერობო მიწის ფონდი. მაგრამ ამაზე არა ჩერდება განყოფილების მუშაობა. მიწები სჭირდებათ აგრეთვე ერობის ვაჟგობის სხვა და სხვა განყოფილებებს, მაგალითად აგრონომიულ განყოფილებას, სასკოლო, საექიმო და სხვა. ამასთანავე მიღებულია ზომები, რომ ერობის მიწის ფონდი გაფართოვებულ იქნას.

ღაღების აკრების საქმეს წინათ დიდი ნაკლი ჰქონდა. არ იყო ცნობაში მოყვანილი რაოდენობა იმ მიწებისა, საიდანაც უნდა შემოსულიყო ღალა, მაგრამ ღალა მაინც იკრიბებოდა და მთელი ხნის განმავლობაში აკრებილია—პური 5006 ფუთი და 39, 1/2 გირვ., ქერი—284 ფ. 16 გირვ., სიმინდი 394 ფ. და თივა 28890 ფ. აქედან ნაწილი

დაუბრუნდა სამინისტროს, ხოლო ნაწილი დარჩა ერობას, რომელიც შეღავათიან ფასებში ურიგდებოდათ გაჭირვებულ სოფლებს. მომავალში განყოფილებას დასჭირდება უფრო ინტენსიური მუშაობა და გამგეობასაც აქვს დაჭერილი ეხლავე ამისათვის სათანადო თაღარიგი.

3) მნიშვნელოვანი ადგილი უჭირავს **აგრონომიულ** განყოფილებას. ჩვენ ღარიბნი ვართ არა მარტო მით, რომ ცოტა მიწები გვაქვს, არამედ იმითაც, რომ არ ვიცით მიწის დამუშავებაც. დიდი მნიშვნელობა აქვს მიწის დამუშავების ცოდნას. ავიღოთ, მაგალითად, ისეთი ქვეყანა, როგორც არის გერმანია. აქ უკეთესად არის საქმე დაყენებული და მიწას მეტ ნაყოფს აღებინებენ. ასეთი ცოდნის გავრცელება არის აგრონომიული განყოფილების საგანი. ამიტომ გამგეობას დიდი ყურადღება აქვს მიქცეული ამ განყოფილებაზე.

მთელი მაზრა დაყოფილია სამ აგრონომიულ რაინებად. ესენი არიან: გარეთ-კახეთის რაიონი, მანგლისისა და გარეუ-უბან-ასურეთის რაიონი. **გარეთ-კახეთის** რაიონში ერობას აქვს: 1) საგარეჯოში—აგრონომიული პუნქტი; 2) მარტყოფში—მანქანების გასაქირავებელი პუნქტი, 3) სართიქალაში—ამერიკული ვაზისა და ხეხილის სანერგე; 4) მალხაზოვკაში—სამეურნეო მანქანების საწყობი; 5) საგარეჯოს ახლო მოწყობილია „საბეროს“ მიწებში საჩვენებელი მინდორი. **მანგლისში**—მოეწყო აგრონომიული პუნქტი და ადბულალში—სამეურნეო იარაღების გასაქირავებელი პუნქტი სარემონტო სახელოსნოებით. **გარეუბან-ასურეთის** რაიონში: 1) კოდაში არის იარაღების გასაქირავებელი პუნქტი; 2) წამლეულობის მცენარეთა სანერგე წავკისში. მომავალში განზრახულია მომატება აგრონომიულ პუნქტების ზოგიერთ ადგილებში, შემდეგ—მოწვევა მეღვინეობის სპეციალისტისა.

ერობამ მოაწყო ფერმა, რომელსაც დიდი მომავალი აქვს. მისი მოვლა და ყურის გდება აბარია აგრონომიულ განყოფილებას. საზოგადოთ ახალი წლის ხარჯთ-აღრიცხვაში ამ განყოფილებას უჭირავს სერიოზული ადგილი, რასაც ციფრები გვიჩვენებენ. თუ შარშანდელ ხარჯთ-აღრიცხვით ამ განყოფილებისათვის გაღებულ იყო 1 მილიონი ჰანეთი, ახალ-ხარჯთ-აღრიცხვით გაღებულია 9 მილიონი მანეთი.

4) **სასურსათო დარგი**: საერთოდ პირობები ისეთია, რომ ძნელია ამ საქმის მოწყობა არამც თუ ერობისათვის, არამედ სახელმწიფოსათვისაც მთელს რესპუბლიკაში. ბაზარზე ბევრი მყიდველი გამოდის, ხოლო გასაყიდი ძალიან მცირეა. ამ ნიადაგზე ვრცელდება სპეკულიაცია და აქ

ჩნდება ერობისათვის შემბორკავი პირობები, როგორც დაწესებულებისათვის. ერობა რომ საზოგადოებრივი დაწესებულება არ იყვეს, მაშინ არც მას გაუძნელდება ფულის ტრიალი. აქ საჭიროა რისკი, მაგრამ რისკის გაწევა, რაც საჭიროა მოგებისათვის, ერობას არ შეუძლიან. კომერციას მუდამ არა პირდაპირი გზით უყვარს სიარული და სავაჭრო კომბინაციების მოხდენა არ არის ერობის საქმე. გარდა ამისა სასურსათო ოპერაციების წარმოება, მოგვხსენებათ, რომ დიდ თანხებს მოითხოვს. მართალია ჩვენ ბევრჯერ დაგვიდგენია—გადიდოს სასურსათო განყოფილების განკარგულებაში ამდენი და ამდენი თანხაო, მაგრამ დადგენილება მარტო დადგენილებათ დარჩენილა და ნამდვილად არავითარი თანხა არ მიგვიცია და დარგის სათავეში მდგომ პასუხისმგებელ გამგეობის წევრის მძიმე მდგომარეობაც სწორედ ამაში იყო.

მომავლისათვის გადაწყვეტილია გამოვიტხოვოთ მთავრობისაგან სესხი და ვიმედოვნებთ, რომ თუ ეს სესხი ავიღეთ, საქმე უფრო წაიწევეს წინ. მიუხედავად იმ ძნელ პირობებისა, რომლებშიც უხდებოდა განყოფილებას ეწარმოებინა თავისი საქმიანობა, მან მაინც შესძლო ამ ხნის განმავლობაში 10 მილ. მანეთის საქონლის შექმნა, საიდანაც 2 მილ. მანეთი უნდა ჩაითვალოს მოგებათ. განყოფილებას განზრახვა აქვს სურსათ-სანოვაგის შექმნის საქმე ასე აწარმოოს: შეიძენს მაზრის სხვა-და-სხვა ადგილებში სურსათ-სანოვაგეს, ჩამოიტანს აქ ცენტრში და აქედან მიაწოდის რაიონებში იმ საგანს, რაც ალაგობრივ არ არის. აქედან დაანაწილებს საჭიროების მიხედვით იმ რაონებში, რომლებშიაც არ არის ესა.

5) **სასანიტარო საქმე** შედარებით სხვა განყოფილებებთან უფრო კარგათ არის დაყენებული და საზოგადოთ უნდა ითქვას, რომ ეს დარგი თავიდანვე კარგად მოეწყო. დღეს მაზრაში არის 9 სამკურნალო უბანი და 4 საფერწლო პუნქტი, 6 ადგილას მწოლიარეთათვის საავადმყოფოებით, აფთიაქებით, ამბულატორიებით და სხვა. სასანიტარო პუნქტებს არა აქვსთ შესაფერი შენობები; მაგრამ ამაზე ქვეით გვექნება ცალკე ლაპარაკი და მოვიტხოვოთ ყრილობისაგან დადასტურებას ჩვენი წინადადებისას, რომლითაც განზრახული გვაქვს რამდენიმე ადგილას სახლების იძულებითი შესყიდვა.

6) **სასკოლო საქმე** შედარებით წინანდელთან გაუმჯობესებულია. ერობას აქვს 74 სკოლა, მათ შორის სამი უმაღლეს დაწყებითი. ამ 74 სკოლიდან 9 პირველი დაწყებითი სკოლა არ მოქმედობს. მასწავლელ-

ბელთა რიცხვი უდრის 102 კაცს, ხოლო მოწაფეთა რიცხვი—3942 ბავშვს. რასაკვირველი სკოლები არ ჰყოფნის სრულებით შედარებით იმ დიდ მოთხოვნილებასთან, რომელიც არსებობს ხალხში და განყოფილება ყოველნაირად ცდილობს, რომ სწავლა-განათლების საქმე გააფართოვოს. რამდენიმე ადგილას მოწყობილია მოზრდილთათვის საღამოს კურსები. სკოლები ეროვნულ ელფერიანობის მხრივ აჭრელებულია: არის რუსული, ბერძნული, თათრული და სომხური სკოლები. სამწუხაროდ უნდა აღინიშნოს, რომ ზოგიერთი ამსკოლებთაგანში მასწავლებლები ვერ იქცევიან ღირსეულად და ნაცვლად კეთილი საქმისა შეაქვთ შხამი და შფოთი. იყო ისეთი შემთხვევა, როცა ერთი ეროვნული საბჭო გამოექმამაგა კიდევაც აშკარა დამნაშავე პირებს, მაგრამ დროზე მიღებულ ზომებით აღდგენილ იქნა ნორმალური მდგომარეობა. რასაკვირველია, სკოლას აქვს თავისი დეფექტებიც: მასწავლებლების შემადგენლობა ვერ არის შესაფერისად მომზადებული, მაგრამ არსებულ ჯამაგირზე უკეთეს კონტინენტს ვერ მოვიზიდავთ. კარგი მასწავლებელი კარგ გასამრჯელოსაც თხოულობს. მართალია მთავრობა იძლევა მასწავლებლებისათვის კრედიტებს, მაგრამ ეს მცირეა და ერობას კი თავის მხრივ იმაზე მეტის მიცემა, რასაც აძლევს, არ შეუძლიან.

7) ტექნიკური განყოფილება ერთი უუდიდესი დარგთაგანია. მისი ყურადღება მიქცეული იყო გზების შეკეთების საქმეზე. გზები ბევრია და მასთან ყველა შესაკეთებელია, მაგრამ გზების მოწესრიგება უძნელდება თვით სახელმწიფოსაც—კი და იმასაც ვერ მოუვლია თავის გზებისათვის. მიზეზი საერთოა—საშინელი დაცემა ფულის კურსისა. ფულით რომ ვერა კეთდება რა მთავრობამ გადასწყვიტა გზათა აღმშენებლობის საქმეში ბეგრის შემოღება და გზათა სამინისტროს მიერ შემუშავებული სათანადო პროექტიც. კანონი აიძულებს ხალხს, რომ მან მოიტანოს თავის შრომა და ასე მოეწოდოს საქმეს... გამგეობა მუდამ უწევდა ანგარიშს ყრილობას და როცა იგი გვეუბნებოდა, რომ ტექნიკურ განყოფილებაში ეს თუ ის პირი არ შეეფერება თავის ადგილსო, ჩვენ ამას ვიღებდით მხედველობაში და ვცვლიდით მათ. ამ რიგათ ჩვენ რამდენჯერმე გამოვცვალეთ ინჟინრები.

ტექნიკურ განყოფილების ნაწილს შეადგენს ტრანსპორტი, რომლის შესახებ არ ვიცით თუ რით გათავდება საქმე—ზარალით თუ მოგებით, ვინაიდან სიძვირე ქერის და თივისა ყოველდღე მატულობს, და

ფრიად ართულებს საქმეს მაგრამ ტრანსპორტი მაინც მოქმედობს, — ხალხს საშუალება ეძლევა იარონ მანგლისსა და აღბუღალისაკენ.

ვინც საგარეჯოში ყოფილა, იმან იცის, რომ იქ მწვავე საკითხია ხევების შეკეთების საქმე. ერობამ ყოველისფერი ღონე იღონა: შეიმუშავა ხარჯთ-აღრიცხვის პროექტი, გაგზავნა ტენიკები, ინჟინრები, მაგრამ ხალხი თავის პირდაპირ მოვალეობას გაუბრუნებდა; მას არა აქვს იმდენი შეგნება, რომ ის საქმე, რაც აუცილებელ საჭიროებას შეადგენს მათთვის, გააკეთოს.

განზრახული იყო და დაწყებულია კიდევ წისქვილის აშენება ყარაიაზში. გარდა ამისა ერობამ აიღო კიდევ ტყის ექსპლოატაციის საქმე საგარეჯოს რაიონში (ყორუღის ტყისა) ამას დიდი მნიშვნელობა აქვს, როგორც ადგილობრივ ხალხისათვის, ისე გვარდიელთათვის, ვინაიდან მათ იქ მამულები აქვთ დამუშავებული. ეს წისქვილი ჯდება 5 მილიონი მან. 2 მილიონი ჩვენ გადავდეთ და 3 მილიონს კი გვაძლევს მომარაგების სამინისტრო. მარიამობისთვის დამლევამდე მოვაწყობთ ამ საქმეს.

8) მილიციის საქმე ყველაზე მტკივნეული საკითხია არა მარტო ჩვენ მაზრაში, არამედ ყველგან რესპუბლიკაში.

ღღეს ხალხი გადაჩვეულია თავის მოვალეობის აღსრულებას და ამის გამო მილიციას უძნელდება მუშაობა სოფლად.

ძალიან მძიმეა მტკიცე ადმინისტრაციის შექმნა. ერთი წლის განმავლობაში 5 მაზრის მილიციის უფროსი გამოვცვალეთ. რამდენიმე რაიონის მილიციის უფროსი გადავაყენეთ, მილიციონერები დავითხოვეთ და სხვა. სამწუხაროდ მილიცია დაბალ საფეხურზე იყო. არის რამდენიმე მაგალითი ბორჯღ-მოქმედებისა. მიზეზი სხვათა შორის ის არის, რომ მილიცია ნივთიერად უზრუნველყოფილი არ არის. ხშირად მოსულან და უთქვამთ ჩვენთვის მილიციონერებს, მოგვეციოთ საჭირო გასამრჯელო, მოგვეციოთ ცხენების შესანახი ფული და აღარ ავიღებთ ქრთამსაო. მაგრამ ჩვენ საშუალება არა გვაქვს დავაკმაყოფილოთ ისინი. თანახმად დამფუძნებელ კრების დადგენილებისა, მილიციის უფროსი იღებს 4500 მან. ხოლო უბრალო მილიციონერი — 800 მან... ამის გამო ჩვენ ვერ მოვთხოვეთ მათ სამსახურის პირნათლად აღსრულებას. ფურაჯის ფული ეძლევათ 1000 მან.

როგორც ჩვენ გვინდოდა ისე ვერ მოვაწყეთ ადმინისტრაციის საქმე, მაგრამ რაც შეგვიძლო გაკეთდა. უკანასკნელ ხანში იკლო ბო-

როტ-მოქმედებამ, მაგალითად—კაცის მკვლელობამ მაზრაში. ხშირია ქურდ-ბაცაცობის მაგალითი, მაგრამ ამაში თვითონ ხალხი უნდა დაეხმაროს ადმინისტრაციას. შტატით 2 მილიციონერია ყველა სოფლის საზოგადოებაში, მაგრამ ეს ცოტაა. დიდი საპასუხისმგებლო საქმეა. შედარებით ბევრი გაკეთდა და იდეალურათ კი რომ შევხედოთ, მაშინ ბევრი ნაკლი აქვს.

9) შარშან ყრილობაზე მიღებულ და დამტკიცებულ იქნა წესდება კონტროლის დებულებისა და ამორჩეულ იქნა მთავარი კონტროლიორი. მან მოიწვია თავის 2 თანაშემწეები. კონტროლი სრული კონტაქტით მუშაობს გამგეობასთან. ის ემორჩილება საბჭოს, მაგრამ ამის და მიუხედავად რამე გაუგებრობას გამგეობის და კონტროლის შორის არ ჰქონია ადგილი.

კონტროლმა შეიმუშავა წესდებები, ფორმები ბლანკებისა და სხვა; შედგენილი არის მათ მიერ 65 აქტი. არ ყოფილა ისეთი შემთხვევა, რომ აქტები უყურადღებოთ ყოფილიყო დარჩენილი. ჩვენ ყველაზე პასუხს ვაძლევდით. თუ საკითხი პატარა იყო, მაშინ მე, როგორც თავმჯდომარე ვაწერდი სათანადო რეზოლიუციას და თუ დიდ საქმეს ეხებოდა, მაშინ გამგეობას ხსენდებოდა.

თემების საკითხი. თბილისის მაზრაში ამ ეჟმად მოქმედებს 7 თემი. სამწუხაროდ უნდა ითქვას, რომ თემები ტფილისის მაზრაში ძალიან მოისუსტებენ. ამას აქვს რამდენიმე თავის გასამართლებელი საბუთებიც. პროვინციაში ძალიან ნაკლებათ არიან ადგილობრივ ინტელიგენტური ძალები. ერთი მიზეზთაგანი თემების საქმეების მოუწყვსრიგებლობისა არის თემების ტერიტორიის სიდიდე. თემი ახლო უნდა იდგეს ხალხთან. თემი ისე უნდა შემცირდეს, რომ შეეძლოს ხალხთან პირდაპირ და უშუაშავლოდ საქმის დაჭერა. თემების წარმომადგენლებთან ამ საგანზე ერობის გამგეობას თათბარი ჰქონდა და მაშინ დაახლოვებით 23 თემი გამოეყავით დღევანდელი სათემოებიდან. მაგრამ გამგეობას ეს გადამეტებულად მიაჩნია. გამგეობამ ცალკე იქონია ამაზე მსჯელობა და შეადგინა თავის პროექტი თემების ვადამიჯენისა, რომელიც ყრილობას წარმოედგინება დასამტკიცებლად. ამ პროექტით ტფილისის მაზრაში იქნება სულ 15 თემი. მაგალითად გარე-უბნის თემი ამ პროექტით დაწაწილებულია ოთხ თემად და სხვა.

ზემოდ მე მოგახსენეთ, რომ წარსულ წელს ჩვენ ვერ ამოვწურეთ მთელი ხარჯთ-აღრიცხვა. ამიტომ მომავალი წლის ხარჯთ-აღრიცხვა

ჩვენ შევადგინეთ უფრო მეტი სიფრთხილით და ეკონომიით. ყველაფრის გაკეთება უცბად შეუძლებელია. ერობამ თავის მოქმედება უნდა გაშალოს თანდათანობით და საკუთარი ძალების გათვალისწინებით.

აი ის უმთავრესი დებულება, რომელიც უძევს საფუძვლად მომავალი წლის ხარჯთ-აღრიცხვას.



ჩამორჩენილს მაზრებში.

დუშეთის, თიანეთის და სხვა მათ ჯურა ჩამორჩენილი მაზრები ის სურამის ციხეა, რომლის აშენება ფრიად დიდ და ძვირფას მსხვერპლს მოითხოვს. თუ არა თავგამოდებული მუშაობა და საუკეთესო ძალთა მისთვის გამოყენება ისე ამაოიქნება ყოველივე ცდა მათი ფეხზე დასაყენებლად. დიდი ხანია რაცვეცნობები მათ საჭიროებას და ყველას-ვისაც შეუძლიან მიხედოს ვთხოვთ ჯეროვანად მოეკიდნენ მათს მოთხოვნებებს. განსაკუთრებული ყურადღება გამოიჩინონ მათი კულტურულ მუშაობაში ჩასაბმელად, და დღემდე ვერ მოხერხდა ესა. მე ძალიან კარგად მესმის, რომ საქართველოს რესპუბლიკის დაცვის საქმე იპყრობს მთავარ ყურადღებას ჩვენი მესვეურებისას, მაგრამ არც ისე უნდა დავივიწყოთ, რომ რაც უნდა განვამტკიცოთ რესპუბლიკის საფუძველი—თუ ასეთი მნიშვნელოვანი მაზრები კვლინდებურად ჩამორჩენილი გვეყოლება—ერთ საბედისწეროდღეს შეიძლება ვანდეას ცოდვით აღტყინდნენ და პირქვე დაამხონ თავგამოდებით და ფარეზით აშენებული რესპუბლიკა. რა თქმა უნდა ვანდეას გლებთა შეცდომას არ განიმეორებს დუშეთის მაზრის გლებ—კაცობა—მანამ სანამ ოდნავ მაინც ბეჭუტავს მის გულში ნალვერდალი რესპუბლიკის სიყვარულისა; მაგრამ ზევრი ვოიში ხარს უკუღმა წაიყვანსო» ნათქომაა და, ასეთი უკუღმა წამყვანი გადამწე-გავერანებული პირები ჯერ კიდევ ბლომად ავიან, რომ დავთრები დაუზნინონ ჩვენს გლებობას და გადარიონ უხამსი ქადაგებით. კარგი ხალხია სანატრელი ასეთ მაზრებში, თორემ თავზე ხელაღებულ ბოლშევიკებს და სხვა ვიგინდარებს ბლომად შეხვდებით. იშვიათია არიან მაზრაში ისეთი მუსგეურები, რომელთაც მასწავლებლის ჩირაღდანი ეჭირით ხელში და მითი ანათებდნენ გონებრივ სიწყვდიადემდე მყოფ გლებ—კაცობას. შარშან საშუალება მქონდა გავცნობოდი ხევსურებს და სიტყვის ჟრჟოლვამ ამიტანა რაც იქ სიბნელე და სიველურე ვნახე. ამოდენა კუთხე ისეა მივიწყებული, რომ ერთი რა არის, ერთი სასწავლებელი არ არის გახსნილი. ძველი წყობილების დროს უფრო მეტი კეთდებოდა და ოთხი სასწავლებელი მოქმედობდა. დღეს კი, როდესაც განათლების საქმე საქართველოში უკეთა გვაქვს დაყენებული ხევსურეთის და მთიულეთის სკოლებში ღამურები დაფარფატობენ და უარესად აღონებენ სულს უმედობის წრიპი-

ნით. შარშანვე ვითხოვდი დაეჩქარებინათ იქ სკოლის გახსნა, მაგრამ მთელმა წელმა განვლო და მათ არა ელირსათ რა. ახლა ვიყავი მთიელთ ხევში და სარწმუნო წყაროებიდან გავიგე, რომ ხევსურეთში ბოლშევიკების ფულები მხნედ ამუშავებულან. ბოლშევიკების მოქმედების ასპარეზი სწორეთ ასეთი კუთხეა და დანაშაულობა იქნება თუ მათ არ დაუპირდაპირეთ ჩვენი მუშაობა. მთიულეთში მომივიდა გუდამაყრელების საჩივარი ხევსურებზე. ბოლშევიკების წაქეზებით თავს დასხმიან გუდამაყარს და ექესასი ცხვარი წაუსხავთ. ასეთი თავდასხმით ჰბადებენ ქართველთა ტომებში ერთმანეთისადმი გაუნელებელს სიძულვილს და თუ მათ არ გაუჩინეთ ადგილობრივ ხელმძღვანელები მალე ისტორიულ და მოსისხლე მტრებად გადაიქცევიან. ამისი მსგავსი ამბები ხდება დუშეთის მაზრის სხვა მხარეებშიაც. მერმე ვინ უნდა გაუძღვეს ამ საქმეს? სამაზრო ერობა? თვით გა ლავარ სამაზრო ერობის ხმოსანთა საბჭოს თავმჯდომარე. პატრიოტიზმი თავისი ერობისა უნდა მალაპუჯაკებდეს ბევრს კარგს, მაგრამ ტკბილი სიტყვები ხომ მალამოდ არ მოეცნობიან მაზრის საჭიროებას. ერობები დიდი ღვთის წყალობაა, უფრო ბედნიერებაა თემები, მაგრამ თემიც არის და თემიც დუშეთის მაზრის თემებს—უთემობა სჯობია. აქ გავეცანი ყველა თემებს და საცოდაობა ვნახე. არ იციან რა აკეთონ და როგორ აკეთონ. არც შესაფერისი ცოდნა და ძალღონე შესწევთ. ჩვენმა მთავრობამ ძალიან დაიიშედა გული და მათ გადასცა თვისი საეროობა მოვალეობა, მაგრამ გაუძღვა ყველა ერობა ამ საქმეს? ამ მხრივ ფრიად კრიტიკულ მდგომარეობაში ჩავარდა განაპირა მაზრები. აღრევაც იყო ამ მაზრებში მრავალი დაუკმაყოფილებელი საჭიროებანი და მარად ცენტრალურ მთავრობას მიმართავდენ ხოლმე თხოვნით; დღეს კი ეს მთავრობა ერობისკენ უშვერს ხელს, ერობას სათავეში უდგია ორიოდ პირი და რას მოახერხებს იგი? ერობისთვის საჭიროა ფინანსიური ღონისძიებანი, ეკონომიური საღსრები, გამოცდილი და სპეციალისტი პირები, თემების ხელმძღვანელები. მცირეოდენის გამოკვლევით არაფერი ამისი მსგავსი არა მოეპოება რა დასახელებულ ერობებს. დღემდე ნათქვამი იყო: ზოგი ჭირი მარგებელიაო. სამწუხაროდ ჩვენმა სინამდვილემ მეორე ანდაზაც დაჰბადა: ზოგი სიკეთე მაგნებელიაო. მართლაც მთლად ერობებისთვის რომ არ გადაეცა მთავრობას მაზრის გაძლოლის საქმეები, ეს ერობები ასე არ დაბეჩავდებოდენ. მთავრობა გველის ტყავში გაძვრებოდა და მაინც გამოძებნიდა საღსარს და ხალხს ამ ჩამორჩენილ მაზრებში გასაგზავნად. ამ ჟამად კი ეს მზრუნველობა ერობა სა აქვს მინდობილი და იცარება უსაღსრობით საქმე.

ყურადღება, რაც შეიძლება მეტი ყურადღება, აი ესაა სათხოვარი დუშეთის მაზრის ხალხისა. ყოველთვის როცა მათ შორის ვტრიალებ მუდამ შემომჩივიან, ელიან შველას და რომ არ მეძღვეა საშუალება შესაფერისად დავებმარო, გული მიტყდება და ლამის აღვიკვეთო იქ სიარული. რა ერთი ხანია ვანუგეშებ მოგხედავთ მთავრობა მეტქი, მაგრამ დუშეთის მაზრა კვლავ უყურადღებოთაა მიტოვებული.

მობილიზაცია იყო გამოცხადებული როცა ჩამოვლა ვიწყე სოფლებისა.

ხალხი უსწავლელია, აქ არ მოდის არც გაზეთი და არც ვინმე ჰყავთ ჩამგონებელი. ესაა მიზეზი რომ ათასი ჭიკორები დაიარება ხალხში. სრულებით წარმოდგენილი არა ჰქონდათ ვისთან ვიბრძოდით. როცა ტყობილობდენ სინამდვილეს—ალტაცებაში მოდიოდენ. ამბობდენ: თვალი დაუდგა ჩვენს სიბნელეს არა გავვეგება რა, გვატყუებდენ პროვოკატორები, გვირჩევდენ არ წავსულიყავით ჯარში, თორემ ეს რომ არ ყოფილიყო ვინ თავმკვდარი დაიშურებდა ჯარში წასვლას და თავის გაწირვასო. ისე მიტინგი არა მქონია რომ მხილებაში არ ჩაცენილიყვენ დეზერტირები. თავიანთი ნებით გამოდიოდენ და ცხადდებოდენ ჯარში წასასვლელად. ყველა ის ებიზოდები, რომელიც მიტინგებზე შემხვდა საგურამოში, მთიულეთში, ფშავის ნაწილში, ოსებში, მუხრანში ხევში და სხვაგან—მოთხრობილი მქონდა ერთ ერთ დღიურ გაზეთის ვრცელ წერილებში. ახლა კი ვიტყვი, რომ ხალხი დუშეთის მაზრისა მთლად არაა გაუკულმართებული. ის იმაზე უკეთესია—ვიდრე ჰგონიათ; უკეთესი შეიქნება თუ მივხედავთ, სათანადო დონეზე დავაყენებთ ერობას. მივცემთ საშუალებას ეკონომიურად აღორძინებისას; მაზრა ფრიად ღარბია. თელავ-სიღნაღის და სხვა მაზრებივით არ შეუძლიან იოლათ წავიდეს გადასახადებით. თუ ვისმეს ესაჭიროება ფინანსიური დახმარება—პირველ რიგში დუშეთის მაზრა უნდა იდგეს. ამ მხრივ ჯერ რესპუბლიკაში კარგა არ არის სესხის საქმე მოწესრიგებული. ამიტომაც არის რომ დუშეთის მაზრა იმასაც ვერ ღებულობს, რაც სხვას მიაქვს ამითვე აიხსნება, რომ უსაღსრობის გამო კულტურულ საქმეებს ვერ უძღვება. ნივთიერად მდიდარი მაზრა კი კულტურული ძალებითაც მდიდრდება. ის არ იშურებს დიდ ჯამაგირებით გადაიბიროს მცოდნე ხალხი და ჩვენ ჯაგლაგ პირების ამარად ვრჩებით. არავისა სურს ასეთ ღარიბ მაზრაში წამოსვლა უსაღსრობის გამო. მაზრის სკოლები საცოდავ მდგომარეობაში იმყოფებიან. მე ვნახე ბავშვები, რომლებიც აგურებზე გაწყობილ ფიცრებზე მეცადინებოდენ. ბევრ სკოლებში პარტები არა ჰქონდათ, და დაფების ნაცკლად ფიცრებს ხმარობდენ. ბევრ სკოლებს მასწავლებელი სრულებით არა ჰყავს. კიდევ მრავალი არა ნორმალური მდგომარეობაა მაზრაში და ყველა ეს სასტიკად მოითხოვს მთავრობის ყურადღების მიქცევას.

დუშეთის მაზრა სასამართლოს მხრივაც უმწეობას განიცდის. წინად სოფლის კაცები არჩევდენ სადაო კითხვებს მომჩივანთა შორის. როგორც ვიცით კანონმდებელმა ორგანომ გააუქმა—სოფლის მსაჯულები და მათი მოვალეობა გადასცა მომრიგებელ მოსამართლეებს. მომრიგებელ მოსამართლეთა ინსტიტუტი დიდი ბედენაა რესპუბლიკისათვის, მაგრამ საუბედუროდ, ივანი ვერა სწვდებიან სოფლებს სიშორის გამო. დუშეთის მაზრა უზარმაზარია. მარტო სიგრძე ას ოთხმოც ვერს აღემატება. მთელ მაზრას კი ჰყავს მხოლოდ სამი მომრიგებელი მოსამართლე: მცხეთის, დუშეთის და ფასანაურის. სამომრიგებლო უბნის რადიუსი სამოცდა ათს ვერსს აღწევს. ბევრი სოფელი ისეა დაშორებული მოსამართლის კამერას, რომ მომჩივრები ვერ მოდიან მათთან. განსაკუთრებით ეს ძნელდება ზამთარში, როცა თოვლი მრავალ საზოგადოებას მთლად მისწყვეტს ხოლმე სარაიონო ცენტრსა. მაზრის ერობას კარგადა აქვს შეგნებული ეს არა ნორ-

მალური მდგომარეობა და ერთ წელზე მეტია რაც შუამდგომლობს რამდენიმე ცალკე ერთეულად გამოყოფის შესახებ, მაგრამ ვერ მიღწია მიზანს. ამნაირად დაშორებული ხალხი ნება უნებლიეთ თემებს მიჰმართავს. თემებიც იძულებული ხდებიან იკისრონ ეს მოვალეობა და თავიანთი პირდაპირი საქმის ნაცვლად აკეთებენ სასამართლოს საქმეებს. ასეთი მოქმედება დიდ არევ-დარევს იწვევს. თემის პრესტიჟიც ეცემა, ვინაიდან ამა თუ იმ შემთხვევაში შეიძლება თემის დადგენილება გაუქმებული იქნეს სასამართლოს მიერ. აუცილებელივ უნდა გამრავლდეს მომრიგებელ მოსამართლეთა უბნები, ან არა და ასეთ მაზრებში დროებით მაინც უნდა აღსდგეს სასოფლო სასამართლოები თუ არ გვინდა რომ უფლებრივ საქართველოს რესპუბლიკაში ხალხი სასამართლოს დაეძებდეს და ვერა ჰპოულაობდეს.

ჯეროვანი ყურადღების მიქცევა საჭირო მთიულეთისათვის მოსიარულე მასწავლებელთა შტატის შედგენაზე. ჯერ კიდევ კარგა ხანი გაივლის ვიდრე შევძლებთ მთელი მთების სკოლებით მოფენას. საქართველოს ზომიერი ნაწილი მთიულეებითა დასახლებული. მათი სოფლები ხუთ-რვა კომლივანია. იქ ბარის ტიპის სკოლები არ გამოდგება და ასეთს ადგილებში უეჭველად უნდა იარონ მასწავლებლებმა და ესაუბრონ ხალხს ყოველ გვარ საკითხებზე. მხოლოდ ამ შემთხვევაში შევძლებთ, რომ იქ კვლავ მეფეებზე არ ოცნებობდნენ და ბაგრატიონთა გვარის აღდგენას არ მოელოდნენ, როგორც ხდება დღეს-დღეობით ზოგან. ევროპის სახელმწიფოებში კი ყოფილან მოსიარულე მასწავლებლები და მით უფრო საჭირონი არიან ისინი საქართველოში, საცა ახლა იშლება რაღაცნები სწავლა-განათლების საქმისა.

დასასრულ დამფუძნებელ კრების პრეზმდიუმმა და საპროპაგანდო კომისიამ დუშეთ-თიანეთის მაზრებში ხან-და ხან მაინც უნდა გამოგზავნონ ხოლმე ის პირები, რომელნიც საქართველოში ცნობილი არიან მჭერმეტყველობითაც და მუყაითი მოღვაწეობითაც. ეს პირები რომ იცნობდნენ ჩამორჩენილ მაზრებს, მაშინ გაადვილდებოდა ბევრი საქმის მოგვარება-ვინაიდან ჩვენს ჩივილს უმწიგობის შესახებ-შეუბრთდებოდა მათი ავტორიტეტული დასტური.

ჩემთვის არა ერთ საზოგადოებაში მოუმართავთ საყვედურით, რა გახდა, რა ისე გაძნელდა, რომ ერთხელაც არ გვეღირსა ნახვა მინისტრების და დამფუძნებელ კრების სახელოვან წევრისაო.

მართალიც არიან. დამფუძნებელ კრების წევრების ნახვით არ უნდა იყვეს დანატრულებული ხალხი. დამფუძნებელი კრება საქართველოს უზენაესი დაწესებულებაა და მისი სულის ჩამდგმელები უეჭველად უნდა გაეცნონ ფშავ-ხევსურეთს, მთიულთ-ხევს და სხვა მთიან ადგილებს. დუშეთ-თიანეთის პასუხისმგებელ პირებმა და გლეხებმა მთხოვეს დამეყოლებინა დამფუძნებელ კრების თავმჯდომარე ალექსანდრე ლომთათიძე წამოსულიყო ამ მაზრებში თუნდა რამდენიმე მიტინგის მოსაწყობად.

დუშეთ-თიანელეს თვისი მესვეურები და ბელადები ისევე უყვართ როგორც ბარელებს და მათ ნახვაზე არა ნაკლებ ოცნებობენ.

„გულს მათი ხილვა უხარის
თვალთ კვალად ენატრებიან“

დ. თურდოხპირელი.



ტფილისის სამაზრო ერობის საექიმო-სასანიტარო განყოფილების
წარსული საქმიანობის და ახლო მომავლის სამოქმედო გეგმის
მოკლე მიმოხილვა.

მეორე წელიწადია, რაც საქართველოს დემოკრატიულ რესპუბლიკაში ერობა მუშაობს. აღნიშნული დრო ძალიან მოკლეა, რომ საერობო მუშაობის შესახებ რაიმე გარკვეული და საბოლოო დასკვნა ან მსჯელობა გამოითქვას. დღეს დღეობით საერობო მუშაობა, თუ შეიძლება ასე ითქვას „თეზისის“ ხანას განიცდის. საერობო საქმიანობის რომელსფეროსაც კი გავითვალისწინებთ—აგრონომიული იქმნება იგი თუ საექიმო—სასანიტარო ან სხვა დარგი ყველგან გავრცელებული, იმედია, კულტურული მუშაობაა გაჩაღებული. ერობას ყველა სამოქმედო დარგში უკვე გარკვეული ხაზი აქვს აღებული; სამუშაო თვითეული დარგი შემოფარგლულია, ფარგალში ნათელი გეგმაა ჩადებული, გეგმას მტკიცე საძირკველი აქვს ჩაყრილი და მისი ამა თუ იმ დარგის მუშაკნი მაგარი ნაბიჯით, დიდის იმედით, გაათკეცებულის ენერგიით წინსვლას განაგრძობენ. საქმის ასეთი დასაწყისია გამოსახული ერობის სამუშაო ყოველ დარგში და კერძოდ საექიმო-სასანიტარო დარგშიც იგივე სურათია. ერობის მუშაობის წარსული დროის განმავლობაში საექიმო-სასანიტარო დარგს—ამ ფრიად მნიშვნელოვან და საერობო საქმიანობის საჭირო დარგს—ახალი საძირკველი ჩაეყარა განათლებულ ხალხთა ცხოვრებიდან გადმოღებულ საერობო ორგანიზაციის სახით. საექიმო-სასანიტარო ორგანიზაცია ჩვენი სამაზრო ერობისა საუკეთესო, გუმანიულ პრინციპებზედაა დაყრდობილი, როგორცაა, მაგალითად ყოველმხრივი უფასო ხალხის მკურნალური დახმარება. ს.ს. განყოფილებას ფართე ჯანმრთელობის გეგმა აქვს გარკვეული, რომლის ერთად-ერთი მიზანია ხალ-

ხის გაჯანსაღება. გეგმის განხორციელებას განყოფილება უკვე შეუდგა საქმის მტკიცე და საღი საძირკველის ჩაყრით. საძირკველი ამოიყვანა იმ სამკურნალო ორგანიზაციამ, რომელიც დღესაც ასრულებს თავის დიდს მოვალეობას—ხალხის გაჯანსაღების საქმეს—წამლობითი მედიცინის საშუალებით და მოარულლებთან ბრძოლით.

მოხსენებასთან დაკავშირებული სტატისტიკური ცხრილი სურათია, ერთის მხრით, ჩვენი მაზრის მრავალ მხრივი და მნიშვნელოვანი დაავადებისა და მეორეს მხრივ, იმ მუშაობისა, რაც მაზრის ასეთმა დაავადებამ მოითხოვა სამკურნალო პერსონალისაგან და საექიმო-სასანიტარო განყოფილებისაგან. თითქმის ყოველნაირ სენს აქვს ადგილი ჩვენს მაზრაში, და პერსონალი შესაფერ ანგარიშს და პასუხს აძლევდა, რასაკვირველია, შეძლებისა და გვარად, მაზრის დაავადების მოთხოვნილებებს. მოარულლების გავრცელების დროს საექიმო პერსონალი დიდს შრომებსა და ენერგიას ხარჯავდა აუარებელ ავადმყოფთა მოვლა წამლობის დროს. მუშაობა თავგანწირვამდე მიდიოდა ზოგიერთ საერობო უბანში. ზოგი თანამშრომელი ორჯერ-სამჯერ ზედიზედ გახდა გადამდების სენით ავად. არა ნაკლები მუშაობაა უბნებში მშვიდობიანობის დროს. როცა მოარულები არ არიან გავრცელებულნი, ზოგიერთ ამბულატორიაში ყოველდღიურ ავადმყოფთა რიცხვი საშუალოდ 30—40 აღამიანამდე უდრის. სამკურნალო მუშაობა ზოგიერთ საერობო უბნებში იმდენად კარგად მოეწყოა, რომ ექიმები რთულ, მაგალითად, ტვინის ოპერაციებსაც კი აკეთებდნენ—რასაც ხაზი უნდა გაესვას და აღინიშნოს, როგორც დიდათ მნიშვნელოვანი და სასიხარულო ამბავი—ფაქტი ჩვენი მაზრის საერობო მედიცინისა. ს.—ს. ორგანიზაციამ თავის მოკლე ხნის მუშაობით უკვე ერთგვარი გამოცდილება დაიმსახურა, არ ვამბობთ უშეცდომებოთ, რადგანაც შეცდომები ყოველივე ახალ და დიდ საქმეს ზედ ართავს, და ამავე დროს ერთგვარი საღი და ცოცხალი მისაბაძი ტრადიცია შექმნა, რაც მომავალ თანამშრომლებს შესამჩნევად გაუადვილებს საქმიანობას. საშინელება იყო, როცა ჩვენს დარგში მუშაობას ვიწყებდით. თითქოს ბინდ-ბუნდის დროს, უცხო, უჩვევ გზით, სუსტი ნაბიჯით მივდიოდით უიმედოთ წინ. დღეს კი სულ სხვა გზაზე ვართ. გარკვეული გზა-გზა ხალხის ჯანმრთელობისაკენ მატარებელი, ს.-ს. განყოფილებას გადაშლია წინ. თანამშრომელი ს.-ს. დარგის მუშაკნი უკვე მიდიან მტკიცე ნაბიჯით ამ გზით გარკვეული გეგმის შესრულებით. ერთგვარი გამოცდილება და ტრადიცია მათ გულს უმაგრებს და მძიმე

საქმიანობაში ამხნეებს. დღევანდელ მძიმე, ყოველმხრივ ხელის შემშლელ პირობებს რომ არ დაეცარათ საქმე, მუშაობის შედეგი უფრო საგრძნობი და დიდი უნდა ყოფილიყო. მაგრამ მომენტის გადუღახველ პირობებს ვერას უხავთ. საქმე დიდათ ფერხდებოდა და ხანდისხან სრულიად ჩერდებოდა. მხოლოდ იმედი, დაუშრეტელი ენერჯია და მუყაითი შრომა თავისას არ იშლიდნენ და საერობო ჯანმრთელობის საქმე კუს ნაბიჯით, — მაგრამ მაინც მიდიოდა წინ. და აი დღეს თვალი რომ მომავალთ ს. — ს. განყოფილების მუშაობის ფარგალს — ჯერ უნდა აღვნიშნოთ საერობო ცხრა სამკურნალო უბანი და ოთხი საფერშლო პუნქტი თავის შემადგენლობით, სამკურნალო ამბულატორიებით, ექვს ადგილას მწოლიარეთათვის სავათმყოფოებით, ყველგან აფთიაქებით და სხვა საჭირო მოწყობილებით. თვითეული პუნქტი, საუბნო სავათმყოფო, ამბულატორია მოწყობილია არა მხოლოდ გარეგნულად — აქვს დაქირავებული ბინა და გამოკრული განცხადება ავადმყოფების მიღების საათების აღნიშვნით — არა — არსებობს უკვე როგორც შინაური საქმიანობით და წესრიგით ჩამოყალიბებული და საბუთებ-დავთრებით გამაგრებული დაწესებულება — რაც ყველაზე უფრო ყურადსადება ერობის საქმიანობის გულმოდგინე მეთვალყურესათვის. შემდეგ უნდა ყურადღება მიექცეს ს. — ს. დარგის ჩამოთვლილ დაწესებულებათა წარსული დროის მუშაობის ჯამს, რომელიც გამოიხატება აქ დართულ სტატისტიკური ცხრილის ცნობებით. ეს უენო, მუნიციპალიტეტები განა ცოტა რამეს გვეუბნებიან ერობის ს. — ს. დარგის შესახებ. იქ, ციფრებში ნათლად სჩანს მაზრის მნიშვნელოვანი დაავადება ერთის მხრივ და ციფრებ შორის კი ის, დიდი, ერთი გამომთქმელი შრომა და ენერჯია, რომელიც დახარჯა ჩვენს დაავადებულ მაზრაზედ ერობის ს. — ს. განყოფილებამ; მეორეს მხრივ მით უმეტესად სიამოვნებით აღსანიშნავია ერობის ამ დარგში მუშაობა, რომ შედეგი, ნაყოფი მუშაობისა მეტის მეტად საგრძნობია, თუ რომ შევადარებთ, მაგალითად, თუ გნებავთ, მიმდინარე ზაფხულს წარსული წლის ზაფხულს. ამ ერთი წლის განმავლობაში ჩვენი ცხოვრების თითქმის ყოველივე მხარე, ეკონომიური გნებავთ თუ პოლიტიკური და აგრეთვე სხვა, უფრო ძალიან გართულდა, გამწვავდა, უზომოდ გაძნელდა ზოგიერთ მომენტებში და მიუხედავად ცხოვრების აი ამ სოციალურ-ეკონომიურ ანორმალობისა — ხალხი დღესდღეობით — წელს ზაფხულს უფრო ნაკლებად არის დაავადებული სხვა და სხვა სენით, მოარულით, ვიდრე შარშანდელ ზაფხულში. იქნებ ამ მოვლენის ასახსნელად იქ ადგი-

ლი ჰქონდეს იმ მოსაზრებასაც, რომ ცხოვრების უკიდურესობა, მომენტის უაღრესი განცდა, როგორც კერძო პიროვნების სულიერ მდგომარეობაში, აგრეთვე მთელი ერის სულიერ შემძლებლობაში კვლავ უჩინარ, სადღაც ღრმა წიაღში მიბინარებულ ძალებს იწვევს სამოქმედოთ და მით, როგორც ერთს ინდიდუმს ისე მთელ ერს ასაკლდევენს, აკაჟებს და მეტს აძლებინებს. მაგრამ აქ არ შეიძლება ისიც არ აღინიშნოს, რომ წრევანდელი ზაფხულის შარშანდელთან—ხალხის ჯანმრთელობის მხრივ—განსხვავებაში ერობის ს.—ს. ორგანიზაციის მუშაობასაც თავისი წვლილი აქვს შეტანილი, და ვფიქრობთ წვლილი მნიშვნელოვანი, ეს განლავთ ერთი მხარე—ასე თუ შეიძლება ითქვას, პრაქტიკული მხარე ერობის ს.—ს. დარგის მუშაობისა; მაგრამ უნდა ჯეროვანი ყურადღება მიექცეს მუშაობის მეორე მხარესაც—სანიტარულ-იდეურ, პროპაგანდისტულ მოქმედება-მოღვაწეობას. ს.—ს. ორგანიზაციის თანამშრომელნი ყველგან და ყოველთვის, სადაც კი გარემოება მათ ხელს უწყობდა მართავდნენ ეგრედ წოდებულ „სანიტარულ კრებებს“ და ხალხს ადვილ გასაგები ენით სანიტარიის მცნებებს და მოთხოვნილებებს უხსნიდნენ და ასწავლიდნენ. წაკითხული იქნა აგრეთვე ლექციები ზოგიერთ ავადმყოფობაზედ და სანიტარულ თემაზედ. გამოცემულ იქმნენ ზოგიერთი სანიტარული მოთხოვნილებანი სავალდებულო დადგენილებათა სახით. ჩვენის დარგის მოსამსახურენი სამობილიზაციო და სხვა და სხვა სპეციალურ კომისიებში მუდამ თანამშრომლობდნენ. ჩვენი ერობის ს.—ს. განყოფილების თაოსნობით ქ. ტფილისში რესპუბლიკის ყველა ერობის წარმომადგენელთა პირველი ყრილობა იქმნა მოწვეული. ყრილობამ ბევრი თეორიულ--პრაქტიკული საკითხების რეზოლიუციების და ინსტრუქციების სახით ახსნა-განმარტება და ადგილობრივ სახელმძღვანელოთ და ცხოვრებაში გასატარებლად დაგზავნა. აი მოკლედ, სქემატიურად უმთავრესად რაში გამოიხატა ჩვენი ერობის ს.—ს. დარგის მუშაობა და ღვაწლი. აქ სრულიადაც არ არის ნახსენები ის მეორე ხარისხოვანი, განყოფილების ყოველდღიური შრომა, რომელიც მეთვალყურის ყურადღებას არ იქცევს, მაგრამ ისეთი მნიშვნელობისაა, რომ მასზედ, როგორც სარჩულზედ გაეწყობა და ისახება ყველასათვის შესამჩნევი პირი, სახე მუშაობისა.

კვლავ, ცხოვრების სხვა პირობებში, სხვას შეიძლება უფრო მეტი გაეკეთებინა, მაგრამ ჩვენმა განყოფილებამ მეტის გაკეთება ვერ შესძლო. მიზეზები ამისა ბევრი იყო. საზოგადოთ რესპუბლიკის უსახსრობა და ხელმოკლეობა ერობის საქმიანობისთვისაც უმთავრესი დამცარავი ხელის

ფაქტორი იყო. ზღაპრული სიძვირე ყველაფრისა და ბაზარზე ჩვენი სპეციალური დარგის მოწყობილების ხშირად უქონლობა არა ნაკლებ აძნელებდა ჩვენს საქმიანობას. ჩვენ როგორც სხვა სპეციალურ, აგრეთვე ს.—ს. დარგშია ცალიან ცოტა შესაფერისი და მომზადებული ქართველი მუშა-მოსამსახრენი გვყავს. დღეს დღეობით მაზრაში ათ ექიმში მხოლოდ სამი ექიმია ქართველი და ეს გარემოებაც ცალიან აფერხებდა და აფერხებს საქმეს. უცხო ტომის მოსამსახურენი ჩვენი ენის, წეს-ადათის არ მკოდნენი, გავლით, შემთხვევით იყვნენ ჩვენს საქმეში შემოსულნი და რასაკვირველია მათი შრომის ნაყოფიერება ამ მიზეზით მდარე და ნაკლები იყო. ერობის საქმე საერთოდ დიდი კულტურული საქმეა. ხალხმა რომ ადვილად და ჩქარა შეითვისოს და შეიგუოს ერობის კულტურა უნდა ერთგვარი სიმაღლის განვითარება—მომზადება ჰქონდეს. ჩვენდა სამწუხაროდ ჩვენი ხალხი წარსულ საუკუნის ბარბაროსული მონობის წყალობით შესამჩნევად არის დაქვეითებული და სასურველი ჩქარი ტემპით არ იღებს იმას, რასაც ერობა აძლევს; ს.—ს. დარგში ჩვენი ქართველი ხალხი ზოგიერთ ადვილას ისევ მკითხავ-აქიმებს და სოფლის ბებიას ერობის განათლებულ ექიმებს და ბებიებს ამჯობინებს. ჩვენ განყოფილებას სხვა კიდევ ბევრი მიზეზი უშლიდა ხელს წარსულში საქმიანობის დროს. მაგრამ იმედია ცხოვრების პირობები ახლო მომავალში ისე შეიცვლებიან, რომ ყოველნაირი დაბრკოლება სრულიად მოისპობა და ერობას—მის ს.—ს. განყოფილებას მაშინ მიეცემა საშუალება გააკეთოს ის, რაც აქამდის ვერ შესძლო. გასაკეთებელი კი ცალიან დიდი და რთული საქმეა დარჩენილი წინ.

ექიმი ი. ლომოური.

(დასასრული იქნება)



სხვარ-საქონლის ავადმყოფობანი და მათთან ბრძოლა *)

ჩვენი რესპუბლიკა უმთავრესად სასოფლო მეურნეობის ქვეყანაა და მიწა მუშავდება არა მანქანებით, არამედ საქონლის საშუალებით.

ამიტომ არის, რომ სოფლის მეურნეობა და საქონლის მოვლა-მოშენება ისე არიან ერთმანეთში მჭიდროდ დაკავშირებულნი, ორგანიულად შესისხლხორცებულნი, რომ მათი ცალ-ცალკე არსებობა კი არა, წარმოდგენაც შეუძლებელია.

თუ გვინტერესებს პირველის, სოფლის მეურნეობის წინსვლა, აყვავება, უნდა უეჭველად ხელი შეუწყოთ და ყველა ზომები ამოვწუროთ მეორე დარგის, საქონლის მოვლა-მოშენების, განსავითარებლად და რაციონალურ ნიადაგზე დასაყენებლად.

გერმანელები ამბობენ: „ბევრი საქონელი, ბევრი ნაკელი-სასუქი, ბევრი სასუქი-ბევრი პური, ბევრი პური-ბევრი ფული“. ეს მართლაც ასეა, მხოლოდ საჭიროა მეურნეობას და საქონლის მოვლა-მოშენებას ხელი შეუწყოს, პრიმიტიული ფორმები წარმოებისა შეიცვალოს რაციონალურ ფორმებზე და ჩვენ მივიღებთ როგორც ბევრს პურს, აგრეთვე ბევრს ფულს.

ერთი რამ უნდა აღინიშნოს: საქონლის მოვლა-მოშენება, მისი ტექნიკის მეცნიერულად დაყენება არ არის საკმაო, რომ მართლა ცდა და შრომა ამ სფეროში ნაყოფიერად დაგვირგვინდეს.

საქონელს, როგორც აღამიანს, თან სდევს ათასნაირი სენი, რომელიც ხან გამუდმებით, ხან პერიოდულად მოედება ხოლმე შინაურ პირუტყვს და რამდენიმე წლის ნაამაგდარს, შექმნილ საქმეს ანგრევს, სულეტს პირუტყვს და კატასროფამდის მიჰყავს არა მარტო კერძო პირთა მეურნეობა, არამედ მთელი სოფლისა, მაზრისა და ხან და ხან სახელწიფოსიც.

ვეტერინარიის აზრი და ცდა მიმართული უნდა იყოს მარტო იქით კი არა, რომ ებრძოლოს შინაურ პირუტყვთა ავადმყოფობებს და გადამღებ სენებს, როცა იგინი უკვე ფაქტიურად არსებობენ, არამედ იქითკენაც, რომ ჯერ ერთი, ეს არ მოხდეს და, მეორე, პირუტყვი ჩავაყენოთ ისეთს პირობებში, რომ სენმა ვერ დასძლიოს მისი ჯანი და თუნდაც დაავადდეს, აღვიღად გადაიტანოს და სიკვდილს გადაურჩეს.

ამ კითხვებს არკვევს მეცნიერება, ეგრედ წოდებული პირუტყვთა გიგიენა, ე. ი. სწავლა პირუტყვთა ჯანმრთელობის შენახვაზედ.

ცხვრებმა გვიჩვენეს, რომ როგორც აღამიანი, აგრეთვე შინაური პირუტყვი, განიცდის ერთგვარს გავლენას გარეშე ობექტიურ პირობებისაგან: ჰაერი,

*) მოხსენება წაკითხული მეცხვარეთა და მესაქონლეთა ყრილობაზედ მოგყავს შემოკლებით რედ

წყალი, საკვებავი, ნიადაგი, მოვლა-შენახვა და სხვა. ეს საერთოდ ის ობიექტიური პირობებია, რომელთა სიავ-კარგეხედაც არის დამოკიდებული როგორც ჩვენი, აგრეთვე ცხოველების ჯანმრთელობა.

მიგრამ ყველაზედ საშიში არიან მეურნეობისათვის გადამდები სენი, ეპიზოოტიები. ჩვენ კარგად ვიცით, რომ გადამდები სენი ჰგულისხმობს ამა თუ იმ სენის გამომწვევ პარაზიტს და ან მიკროორგანიზმს, რომელიც სხვა და სხვა გზით გადადის ერთი პირუტყვიდან მეორეზედ და ამ რიგად ედება სოფელს, თემს, მაზრას და მთელ-სახელმწიფოს.

რა ეპიზოოტიებია გავრცელებული ჩვენს რესპუბლიკაში? ამ კითხვაზედ არსებული სტატისტიკა ძრიელ ცოტას გვეუბნება, რადგან საჭიროა ვიცოდეთ არა მარტო ის, თუ რა ეპიზოოტიებია ჩვენში, არამედ ისიც რა მასშტაბით, რა მიზეზებით, და რა გარემოებაში იჩენს ხოლმე თავს ესა თუ ის სენი; ბრძოლა უნდა სწარმოებდეს არა მარტო თვით ეპიზოოტიასთან, არამედ მის დასაბამთან.

არსებული სტატისტიკა გვეუბნება, რომ ჩვენში მომეტებულ წილად მძვინვარებენ ცხვრებზედ: დისტომატზი, ანუ ღვიძლის პეპელა, თურქული, ტუბერკულოზი, სნეა და სხვა კანის ავადმყოფობანი, ციმბირის ჭირი და სხვა. მსხვილ ფეხა რქოსან საქონელზედ: შავი ჭირი (чума пог. скота), ციმბირის ჭირი, გემორაგიული სეპტიცემია, მალარია და სხვა. ღორზედ ჩუმა, წითელი ქარი, (пояк) — და სხვა, ფრინველებზედ თხიპა და სხვა.

აუცილებელია მათთან ბრძოლა და ამ ბრძოლას შემთხვევითი და განკერძოებითი ხასიათი კი არ უნდა ჰქონდეს, არამედ სისტემატიური ენერჯიული, იძულებითი, სავალდებულო და თუ ეს ასეა, საჭიროა გარკვეული კანონმდებლობა, ერთის მხრით, და აღმასრულებელი ძალა, მეორე მხრით; ყოველი ცდა და ბრძოლა გადამდებ სენთა წინააღმდეგ უნაყფიერო იქნება, თუ იგი არ სწარმოებს ერთდროულად ყველგან, სადაც კი მძვინვარებს. „თუ საქონლის ყოველი პატრონი იღებს წინასწარ ზომებს გადამდებ სენის წინააღმდეგ, მხოლოდ ერთი ვინმე ამას არ ემორჩილება, საკმაოა რომ მოსპობილმა ბოროტებამ ხელახლად წამოიყოს თავი. საჭიროა მხოლოდ ერთი რამ: დროებით მოსპობა კერძო საკუთრებისა, მესაკუთრის თავისუფალ მეურნეობის მაგიერ უნდა იყოს სახელმწიფოებრივი ძალდატანება“, — ამბობს კაუცკი თავის აგრაარულ საკითხში.

საზოგადოდ უნდა ითქვას შემდეგი: სახელმწიფოს არ უნდა ეშინოდეს ეპიზოოტიების მძვინვარების დროს კერძო საკუთრების იურიდიული ფორმების დარღვევისა, თუ ეს საჭიროა სენის საწინააღმდეგო იძულებითი ზომების გასატარებლად და მის მოსასპობად. ასეა საფრანგეთში, ასეა ინგლისში და ყველა კულტურულ სახელმწიფოებში.

ჩვენ რესპუბლიკის ფარგლებში, ასე ვსთქვათ, შინა სანიტარია უნდა იყოს მკაცრი და ენერჯიული, როგორც არსებულ სენთან ბრძოლაში, აგრეთვე წინასწარი ზომების დაცვა უნდა სწარმოებდეს სისტემატიურად, შეუწყვეტლივ და ეს სისტემა უნდა ემყარებოდეს არა მარტო მცხოვრებთა შეგნებას და ნდობას (ეს ზომ იდეიაა), არამედ ვალდებულობას და იძულებას.

საზოგადოდ ყველგან და ჩვენშიაც საქონელი იყოფა ორ კატეგორიად: სამეურნეო და სამრეწველო-საეაქრო. პირველ კატეგორიას ეკუთვნის ყველა ჯურის შინაური პირუტყვი, რომელიც იხმარება ან როგორც სამეუშაო ძალა, ან შინაურ მოთხოვნილებებისათვის, ან მოსაშენებელ-მოსახმარებლად და ან მერძეობისთვის და სხვა.

მეორე კატეგორიის საქონელი-ყველა იმ ჯურის შინაური პირუტყვია, რომელიც მიდის სასკლაოზედ ქალაქთა მცხოვრებთა სასზრდოსთ და ან საზღვარ-გარეთიდან შემოდის ჩვენს ტერიტორიაში იმავე მიზნით.

საქონლის დანაწილება კატეგორიებად დამოკიდებულია მის საბოლოო დანიშნულებაზედ. სამრეწველო საეაქრო საქონელი იღვენება ერთი ალაგიდან მეორეში, ნახირების ყიდვა შეჯგუფება ხდება სხვა და სხვა ალაგას, შემდეგ ნახირები მიემართებიან ბაზარზედ გასასყიდად და ან პირდაპირ ქალაქებში დასაკლავად. ამ კატეგორიის საქონელი შედარებით სამეურნეო საქონელთან უფრო მოძრავია და ამიტომ ხშირი მოვლენაა, რომ მას გადააქვს ერთი ადგილიდან მეორეში საქონლის სხვა და სხვა გადამდები სენი. ცხადია, საჭიროა განსაკუთრებული ყურის გდება და მკაცრი ვეტერინარ-სანიტარული ზომები, რომ ამ საქონელმა არ გაავრცელოს კირი უავადო კუთხეებშიაც და რადგან ამ კატეგორიის საქონლის ტრანსპორტი სწარმოებს მთელ რესპუბლიკის ტერიტორიაზედ, არ განისაზღვრება თემის ან მაზრის ფარგლებით; ამიტომ ეს საქმეც უნდა იკისროს სახელმწიფომ, რის შესახებაც უნდა გამოიკვს სათანადო-კანონმდებლობა და შეიქმნას განსაკუთრებული კადრი ვეტერინარ-ექიმებისა, რომელთა მოვალეობაც უნდა იყოს თვალყურის დევნა ამ გვარ ნახირების შეჯგუფება-გადარეკ-გადმორეკაზედ და ყოველ შემთხვევაში მიღებულ იქმნენ სათანადო ზომები. აგრეთვე სანიტარული ზედამხედველობა ესაჭიროება სამთაბარო საქონლის მოძრაობასაც და საქონლის ნედლი მასალის გადატან-გადმოტანას.

ამის გარდა, კარგათ მოგეხსენებათ, რომ საქონელის გაუმჯობესება შეიძლება სამი გზით: კულტურულ წმინდა ჯიშის მოშენებით, მეტიზაციით და ადგილობრივ ჯიშთა თვითგაუმჯობესობით.

პირველი ორი მეტოდის ცხოვრებაში გასატარებლად ჩვენ დავგვირდებამ შეძენა წმინდა კულტურული ჯიშის ეგზემპლიარებისა დასავლეთ ევროპიდან. ამავე დროს კი ფაქტია, რომ ამ გვარი ეგზემპლიარები ხშირად დაავადებულნი არიან ტუბერკულოზით და ამისათვის არის, რომ ბევრგან, მაგ., როგორც ინგლისი, საფრანგეთი, დანია და სხვა, მიღებულია კანონი ფერმების საქონლის როგორც კლინიკურ, აგრეთვე ტუბერკულინით პეროდული გამოცდის შესახებ და მხოლოდ ამ გამოცდის შემდეგ ეძლევათ ნებართვა საქონლის გაყიდვა-გადარეკ-გადმორეკისა.

სტატისტიკური ცნობები გვეუბნებიან, რომ აქამდისინ მაინც თითქმის ოცდა ათი პროცენტი მსხვილ-ფეხა საქონლისა და ორმოცი პროცენტი ცხვრებისა თბილისის ბაზარზედ შემოდოდა აღმოსავლეთ კავკასიიდან, აწ არსებულ

ადერბეიჯანის რესპუბლიკიდან, ყარსის ოლქიდან და სამხრეთ რუსეთიდან, ჩრდილო კავკასიიდან. ექვ გარეშეა, ჩვენ ყოველ მხრივ უნდა ხელი შეუწყოთ ამ გვარ იმპორტს, პროტექციონიზმს ალაგი არუნდა ჰქონდეს, მაგრამ ამავე დროს ჩვენ ისიც ვიცით, რომ როგორც ადერბეიჯანში, ისე სომხეთში და ეხლა ჩრდილო კავკასიაშიაც განუწყვეტლად მძვინვარებს საქონლის შავი ქირი და სხვა გადაძდები სენი და ახლო მომავალშიაც არ არის იმედი მათ მოსპობისა, რადგან სპარსეთის და ოსმალეთის მოსაზღვრეობა მეზობელ რესპუბლიკებთან, სადაც თითქმის არაფერ ზომებს არ ღებულობენ საქონლის ქირის წინააღმდეგ, ვგაფიქრებინებს, რომ ბოლო არ ექნება იქიდან ქირის შემოტანის შემთხვევებს.

მაშასადამე, ჩვენი რესპუბლიკის მთავრობამ ერთი მხრით ხელი უნდა შეუწყოს საქონლის იმპორტს, მეორე მხრით კი დაიცას თავის ტერიტორია საქონლის სხვა და სხვა გადამდებ სენის შემოტანისაგან. ამიტომ საჭიროა დაწესდეს: გარკვეული სავეტერინარო სანაპირო პუნქტები.

ეს შინა და სანაპირო სანიტარია.

მაგრამ პროფილაქტიკის და სანიტარიის გარდა სხვა და სხვა გადამდებ სენების წინააღმდეგ მეცნიერების მიერ შემუშავებულია სხვა და სხვა სპეციალური შრატები, ვაქცინები და პრეპარატები, რომელნიც ითვლებიან ერთ უმთავრეს იარაღად ეპიზოოტიებთან ბრძოლაში.

საჭიროა და აუცილებელი თვით ჩვენმა რესპუბლიკამ დაარსოს ვეტერინარ-ბაკტერიოლოგიური ლაბორატორია, რომელსაც ექნება ორი დანიშნულება: მეცნიერულ-თეორეტული და პრაქტიკული.

ლაბორატორიასთან უნდა მოეწყოს პერიოდიული კურსები ყოველ კატეგორიის ექიმ-ვეტერინარებისათვის, სადაც მათ მიეცემათ შეძლება შეისწავლონ მუცნიარულად სენთა არსებითა მხარეები და აგრეთვე გაეცნონ მათთან ბრძოლის სისტემა-მეთოდებსა.

რესპუბლიკის ვეტერინარ-სანიტარულ განყოფილებას აქვს თბილისში ვაკეზედ შესაფერი შენობა, თუმცა ჯერ დაუმთავრებელი, აქვს აგრეთვე ლაბორატორიისათვის საჭირო აპარატები და მოწყობილობა და ამ ლაბორატორიის ამუშავება მორიგი კითხვაა, რომელიც უნდა გადაიჭრას ახლო მომავალში.

ამის გარდა დასავლეთ ევროპაში ერთერთ ზომათ საქონლის გადამდებ სენთან საწინააღმდეგოდ და მეურნეობის დასაცავათ, მიღებულია შინაურ პირიტყვა დაზღვევა, რომელსაც აქვს ორი მხარე: დაზღვევა გადამდებ სენებისაგან და სხვა არა გადამდებ სენებისაგან.

ზემო ნათქვამიდან ჩვენ გამოგვყავს შემდეგი დებულებანი:

1. საქონლის სხვა და სხვა გადამდები სენნი წარმოადგენენ ერთს უმთავრეს დაბრკოლებას საქონლის მოვლა-მოშენების საქმეში.

2. საქონლის გადამდებ სენთან ბრძოლას აქვს სახელმწიფოებრივი მნიშვნელობა და ამისათვის აუცილებელია შემუშავდეს ყველასათვის სავალდებულო და იძულებითი საერთო კანონმდებლობა როგორც ნახსენებ სენთა, აგრეთვე პროფილაქტიურ წინასწარ ზომების შესახებ.

3. ვეტერინარ-სანიტარულ კანონ-პროექტების დამუშავებაში უნდა მიიღონ თანამშრომლობა როგორც საზოგადოებრივ დაწესებულებათა, აგრეთვე სხვა და სხვა ამ საქმეში დაინტერესებულ რესპუბლიკის მთავრობის უწყებათა წარმომადგენლებმაც.

4. ერობების და ქალაქების თვითმართველობანი ადგილობრივ აწესრიგებენ ვეტერინარ-სანიტარულ კანონების დაცვა-განხორციელებას.

5. მთავრობის ორგანოს ვეტერინარ-სანიტარულ განყოფილებას ევალება კანტროლი და ზედამხედველობა კანონების სისწორით ცხოვრებაში გაყვანაზედ და აღსრულებაზედ.

6. ამისათვის საჭიროა არსებობა მთავრობის ვეტერინარ-სანიტარულ ცენტრისა და ერობების და ქალაქების ადგილობრივი ორგანიზაციებისა, როგორც აღმასრულებელი ორგანოებისა.

7. განსაკუთრებული ყურადღება უნდა მიექცეს სამრეწველო საქონლის იმპორტს და აგრეთვე საქონლის კულტურულ ეკზემპლიარების შექმნას, ვინაიდან პირველს ხშირად მოსდევს სხვა და სხვა გადამდები სენი. უკანასკნელთა კი უფრო ტუბერკულოზი.

8. საჭიროა დაარსდეს ვეტერინარ-ბაკტერიოლოგიური ლაბორატორია, სადაც უნდა სწავრობდეს მეცნიერული კვლევა-ძიება გადამდებ სენთან და მათ საწინააღმდეგო შრატების და ვაქცინების დამუშავება.

9. უნდა მოეწყოს ამა თუ იმ ფორმით შინაურ პირუტყვთა დაზღვევა.

ექიმი-ვეტერინარი ლაშხაური.



ხენილის ბადის გაპატივება.

ჩვენდა საუბედუროდ ეს დარგი მეცნიერებისა სრულიად შეუსწავლელია საქართველოში და იმედიც არა აქვს, რომ ახლო მომავალში რომელიმე მეცნიერმა გააშუქოს ეს საგანი. ხოლო ჩვენთვის აუცილებლად საჭიროა ეხლავე უპატრონოთ ჩვენს ბაღებს ე. ი. დაახლოვებით მაინც გავიცნოთ, რომელ ნიადაგს რა სასუქი სჭირია. ამის შესასწავლად საჭიროა მოვახდინოთ ცდა, რისთვისაც საჭიროა ვიცოდეთ წესი, რომელიც შემოდებულია სხვა და სხვა ქვეყნებში. ამიტომ აქ მოვიყვანე რამოდენიმე მაგალითი. პირველი მაგალითი შეეხება სამხრეთ რუსეთის მებაღეების რაიონში მომხდარ ცდას.

ცდა პირველი. საცად მინდვრად იყო აღებული 8 ნაქერი, თვითელი მათგანი იყო 140 კვად. საენი.

I. (კანტროლი) შესადარებელი — გაუპატივებელი. II. 1) თომას — შლაკი 2 ფუთი. 2) 30% კალის მარილი 32 გირ. 3) გვარჯილა 20 გირ. III. 1) თომას — შლაკი 2 ფუთი. 2) 30% კალის მარილი 32 გირ. 3) გვარჯილა.

ცდა მეორე. მინდორი იყო დაყოფილი ოთხ ნაქრად. 1-ლი ნაქერი შესადარებელი უპატივოთ.

1) სუპერფოსფატი 30 გირ. 2) 30% კალის მარილი 30 გირ. 3) გვარჯილა 15 გირ. ყველა ეს სასუქი ერთი მეორეში აურიეს. ხის ტანის დაშორებით ამოიღეს არხები. ამ არხებში ჩაჰყარეს 3-5 გირფანქა ერთმანეთში არეული სასუქი. თუ ხე პატარაა ეყოფა 3 გირ. მეტი სასუქის ჩაყრა დამოკიდებულია იმაზე თუ რამოდენაა ხე. სასუქი მოყარეს ხეებს 15 აპრილს. მეორე ნაქერზე გაპატივებს სულ 18 ხე. ამათში 15 ხე მსხალი იყო, 3 ვაშლი. შესადარებლად გაუპატივებელი დასტოვეს ორი ბლის ხე. ეს ბალი ახალი გაშენებული იყო, სულ სამი წლისა და ჯერ ნაყოფი არ გამოიღო.

ეს ნაჭერი გააპატივეს სუპერფოსფატით და 30 % კალის მარილით. გაპატივების წესი და სასუქის რაოდენობა ისეთივე იყო, როგორც მეორე ნაჭერზე. ნიადაგი გააპატივეს 20 აპრილს. გაპატივებული იყო 17 ვაშლი და 3 მსხალი. აქვე იყო დარჩენილი შესადარებლად გაუპატივებელი ხეები.

გააპატივეს სუპერფოსფატით და გვარჯილით. წესი და სასუქის რაოდენობა იმდენივე იყო როგორც 2 ნაჭერზე. ამ ნაჭერზედ გააპატივეს სულ 11 ვაშლი და 5 მსხალი.

ამ მეორე ცდამ მოგვცა ასეთი შედეგი: ყველა გაპატივებულ ხეებს ზრდა მოემატათ, რაც აშკარად ეტყობათ მსხლის ხეებს. ყლორტები გაიზარდნ 4—20 ვერშოკამდის, დამსხვილდა და არაერთი ნაკლი არ ეტყობოდათ. ფოთლები გამოიღეს დიდი, ხშირი ინტენსიურად შეღებილი და შემოდგომაზე გვიან დასცვივდათ.

დაუპატივებელ, შესადარებელ ხეებს ზრდა გაცილებით ნაკლები ჰქონდათ და შემოდგომაზე ფოთოლიც მალე დასცვივდათ. ამასთანავე შესანიშნავი ის არის, რომ გაპატივებულ მსხლის ხეებს შორის იყო ერთი ხე, რომელიც სრულებით არ იზრდებოდა უკანასკნელ ორი წლის განმავლობაში და არც ნაყოფს იხამდა. გაპატივების შემდეგ ეს ხე გაჯანსაღდა, გამოიღო მრავალი ყლორტები სიგრძით $\frac{1}{2}$ არშინი და მეტიც. ეს საცდელი ბალი იყო ახალი, რომელსაც ჯერ ნაყოფი არ გამოეღო. რომლებმაც კი გამოიღეს ნიშნები, პირველი ნაყოფი მშვენიერი ჰქონდათ. გაპატივებულ და გაუპატივებელ ხის ნაყოფებში დიდი განსხვავება იყო. ეს განსხვავება უმეტესად ეტყობოდათ მსხლის ნაყოფებს. რაც შეეხება იმას, თუ რომელი სასუქი უფრო საჭირო და სასარგებლოა ამ ცდამ დაამტკიცა, რომ მსხლისათვის უნდა ვინმართ სამივე სასუქი: სუპერფოსფატი, 30 % — კალის მარილი და გვარჯილა.

ვაშლისათვის საჭიროა ორი სასუქი: 30 % სუპერფოსფატი და კალის მარილი, ხოლო თუ ნიადაგი თიხნარია, მაშინ საჭიროა მიუმატოთ აგრეთვე გვარჯილა. საზოგადოთ შეგვიძლია გამოვიყვანოთ ამ ცდიდან ის დასკვნა, რომ მინერალური სასუქი ნიადაგის გასანაყოფრებლად დიდი სასარგებლოა.

ცდა მესამე. მესამე ცდის დროს ბალი დანაწილებული იყო ოთხ ნაჭრად. გაპატივების წესი, სასუქის რაოდენობა და შემადგენლობა ისეთივე, როგორიც წინა ცდაში. ბალი ახალი დარგული იყო 3—5

წლისა. ბალში იყო შემდეგი ჯიშის ხეხილი: მსხალი, ქლიავი, ვაშლი და ჭერამი. ყველა საცდელ ნაჭერში ხდებოდა ყველა ჯიშის ხეხილი. ნიადაგის განყოფრება ხდება გაზაფხულის დამდეგს ან მაისის გასულს. აქ შეიძლება აღვწეროთ ყველა საცდელი ნაჭრის მდგომარეობა ე. ი. დაწვრილებით ჩამოვთვალოთ, რომელ ნაჭერზე რომელმა სასუქმა როგორ იმუშავა.

I ნაჭერი შესადა რებელი დარჩა გაუპატივებელი. ამ ნაჭერზე ხეებს ფოთოლი გაყვითლებული ჰქონდათ, ზრდა ცუდი. ერთი შეხედვით ეტყობოდა, რომ ხე გაუნაყოფიერებული იყო და არ გავდა ჯანსაღ ხეებს.

II ნაჭერი გაპატივებული იყო სამივე პატივით: სუპერფოსფატით, 30 % კალის მარილით და გვარჯილით. გაპატივების შემდეგ ხეებს ზრდა ემატათ, ფოთოლი ინტენსიურად შეღებილი ჰქონდა და შემოდგომაზე ფოთოლი კიდევ ხეზე იყო. ამ ხეებში განსაკუთრებულ ყურადღებას იპყრობდნენ მსხლის ხეები, რომლებმაც გამოიღეს მსხვილი ყლორტები და კარგი ფოთოლი. აგრეთვე შესამჩნევლად იმოქმედა პატივმა ქლიავზედ, რომელმაც გამოიღო $\frac{3}{4}$ არშინის სიგრძე ყლორტები, რაც იშვიათად ხდება.

III ნაჭერი გაპატივებული იყო მხოლოდ ორი სასუქით: სუპერფოსფატით და 30 % კალის მარილით. ამ ნაჭერზე გააპატივეს სულ 23 ხე. ამათში ქლიავი—1, ჭერამი—2, ვაშლი—14, მსხალი—6. გარდა ორი ხისა, ყველა ხეები იყვნენ 3 წლისა. აქ აშკარად ეტყობოდა კალის გავლენა ვაშლის ხეზე. აქ გამართლდა ის შეხედულება, რომ ვაშლს უფრო რგებს კალი, მანამ გვარჯილა, ანუ უკეთ რომ ვსთქვათ აზოტი. საზოგადოთ ამ ნაჭერზე მინერალური სასუქის გავლენა ისეთივე იყო, როგორც სხვა ცდებში, მხოლოდ აქ აშკარად ეტყობოდა კალის გავლენა ვაშლის ხეებზე.

IV ნაჭერი გაპატივებული იყო: სუპერფოსფატით და გვარჯილით. გაპატივდა სულ 28 ხე: ქლიავი—3, ჭერამი—3, მსხალი—7, ვაშლი—15. აქაც მინერალური სასუქის გავლენა თვალსაჩინო იყო. გაპატივებული ხეები გაჯანსაღდნენ, ყლორტები მშვენივრად გაიზარდნენ და ფოთოლიც ხშირი და კარგი გამოიღეს,

საერთოდ მესამე ცდამ მიგვიყვანა შემდეგ დასკვნამდის. ყველაზე უფრო ნაყოფიერად მოქმედობს მცენარეებზე შერეული სუპერფოსფატი, კალის მარილი და გვარჯილა. უფრო მკირე გავლენას ახდენს როცა სასუქი შესდგება მხოლოდ სუპერფოსფატის და კალის მარილისაგან.

სუპერფოსფატით და გვარჯილით გაპატივებული ნიადაგი ნაკლებ შედეგს იძლევა, ვიდრე ზემოაღნიშნული.

ცდა IV. აქ ცდამოხდა იმ გეგმით, როგორც პირველ ცდაში. მხოლოდ პატივი გაიშალა მთელ საცად ნაჭერზე, რის შემდეგ ეს მიწის ნაკვეთი დაიბარა ერთი ბარის სიღრმეზე; მთელი ზაფხულის განმავლობაში ბალი ითოხნებოდა, ისე, რომ ბალახი არ იყო მოთიბული. ეს ბალი იყო ძველი. ხის ტოტები ერთმანეთში იყო გადახლართული. ხეების წლოვანობა უდრიდა 30—40 წელს. ხეილი იყო შემდეგი ჯიშისა: მსხალი, ვაშლი და ქლიავი. ეს ბალი არც ერთხელ არა ყოფილა განოყივრებულ-გაპატივებული. მისი სივრცე უდრიდა 48 კვადრ. საე. გაპატივებამდის მთელი ბალი გადაიბარა, შესადარებელ ნაჭერთან ერთად. სასუქი შეიტანეს ნიადაგში 15 აპრილს. მინერალური ნივთიერებით გაპატივებამ თვალსაჩინო შედეგი გამოიღო. იმათაც კი, ვისაც არა სჯეროდა მინერალური ნივთიერების გავლენა ნიადაგზედ, დაიჯერეს და თვითონაც შეუდგნენ ბალის მინერალური ნივთიერებით განოყივრებას. ამასთანავე აშკარა შეიქმნა, რომ სამივე მინერალის სასუქით გაპატივებას უფრო კარგი შედეგი მოაქვს, ვიდრე მარტო სუპერფოსფატს და კალის მარილს ან და გვარჯილას. აქ პატივის მოქმედება მეორე წელიწადს უფრო თვალსაჩინო შეიქმნა ვიდრე პირველ წელში. ხეებს სიცოცხლე დაეტყოთ, ყლორტები ხარბად გაიზარდნენ და ფოთოლიც კარგი და სალი გამოიღეს, ნაყოფი ბევრი და კარგი მოიხსნა.

ცდა V. აქ ცდამოახდინეს რიგზე დარგულ ხეებზე. რიგი იყო სულ ოთხი. თითო რიგში იყო 17—19 ხე. ამათში მხოლოდ სამი რიგი გააპატივეს, მეოთხე დასტოვეს შესადარებლად. ამასთანავე ყოველ რიგში დასტოვეს 1—2 ხე უპატივოდ. შერეული სასუქი შეჰქონდათ თითო ხის ნიადაგში 3—5 გირვანქა, იმ წესით, როგორც პირველ ცდებში.

I რიგი შესადარებელი—უპატივოდ. რიგი—II 1) სუპერფოსფატი, 2) 30⁰/₀ კალის მარილი და 3) გვარჯილა. რიგი III სუპერფოსფატი და 30⁰/₀ კალის მარილი. რიგი IV სუპერფოსფატი და გვარჯილა. ნიადაგი გააპატივეს აპრილში. ხეები იყო 4—10 წლამდე. მეორე შემთხვევაში, როცა სასუქი შესდგებოდა სამივე მინერალური ნივთიერებისაგან ძალიან კარგი შედეგი მოახდინა ვაშლის ხეებზედ. მეტადრე იმოქმედა ერთს ხეზედ, რომელსაც შესამჩნევად ემატა ზრდა და ფოთოლიც კარგი გაიკეთა.

მესამე შემთხვევამ დიდი გავლენა იქონია ალუბალზედ. თუ შევადარებთ წლევანდელს ხეილის ზრდას შარშანდელთან ან კიდევ გაუ-

პატივებელ ხეებთან, დაფინახამთ დიდს განსხვავებას. საერთოდ გავლენა ძალიან დიდ იყო. პატივის გავლენა უფრო ეტყობოდა მსხლის ხეებს. ერთ მსხლის ხემ, რომელიც სრულებით უნაყოფოდ ითვლებოდა გამოიღო $1\frac{1}{2}$ არშინიანი ყლორტები. რომელ ხეზედაც ნაყოფი გამოვიდა ძალიან კარგი თვისებისა იყო და შედარება არ შეიძლებოდა შარშანდელ ნაყოფთან. გამომცდელის აზრით უფრო დიდს გავლენას იქონიებდა პატივი, რომ ნიადაგი გაპატივებული შემოდგომაზედ ან აღრე გაზაფხულზედ ყოფილიყო.

ცდა VI. ამ ცდისათვის აღებული იყო 6 ხე; ყველა სამ-სამი წლისა. ამათში სამი ხე იყო ვაშლი, 3 მსხალი. სასუქი მისცეს თითო ხეს შემდეგი ანგარიშით:

- | | |
|----------------------------------|------------------|
| 1) სუპერფოსფატი | 3 გირ. |
| 2) 30% კალის მარილი | 3 „ |
| 3) გვარჯილა | $1\frac{1}{2}$ „ |

სასუქ ნიადაგში შეტანის წესი ისეთი იყო, როგორც პირველად. შემოდგომაზედ, როცა შედარებს გაპატივებული ხეები დაუპატივებელთან მიიღეს შემდეგი შედეგი: განოყიერებული ხეები ჯერ ისევ მწვანე ფოთლით იყო შემოსილი, მაშინ, როდესაც გაუნოყიერებელ ხეებს ფოთოლი გასცვივდათ. ყლორტები გაპატივებულ ხეებზედ შესამჩნევად კარგი და დიდი იყო, ვიდრემდის საპატივებელზედ. ზოგზედ ახალი ყლორტები სრულიად არ ეტყობოდა.

რასკვირველია ერთი-ორი წლის ცდით კაცს არ შეუძლიან სრული და შეუცდომელი დასკვნა გამოიყვანოს, მაგრამ ამ საბუთებით, რომელსაც ერთი-ორი წლის დაკვირვება მოგვცემს შეგვიძლიან თამამად აზრი შევადგინოთ მინერალური სასუქის მნიშვნელობის შესახებ. აი ეს აზრი: ხელოვნური სასუქი—სუპერფოსფატი, 30% კალის მარილი და გვარჯილა ხეებზედ დიდს გავლენას ახდენს, ხის ზრდაზედ, ნაყოფის სიმრავლეზედ და მის ღირსებაზედ. გავლენა ეტყობა აგრეთვე ყლორტების სიმრავლეს და მის ხარისხს, სანაყოფო კვირტების გამრავლებას ჯანსაღებას, ფოთლების სიდიდეს და სიმრავლეს. ყლორტები განოყიერებულ ხეხილს ყოველთვის გრძელი და მომსხო აქვს, რომლებიც თავის დროზედ ასრულებენ ზრდას. ფოთლები მუქი ფერისაა და ინტენსიურადაა შეღებილი, რომელიც შემოდგომაზედ დიდ-ხანს რჩება ხეებზედ.

(გავრძელება იქნება).

მ. ქარცივაძე.

სტიქიურ უბედურების შედეგები სიღნაღის მაზრაში.

ის მრისხანება ბუნებისა, რომელიც თავს დაატყდა სიღნაღის მაზრას ამა წლის მაისის 29, თავისი გამანადგურებელი შედეგებით, არ ახსოვს წარსულიდან ჩვენს თაობას. მაზრაში არსებულ 26 თემიდან, მხოლოდ 4 გადარჩა უბედურებას—ეს არის: ქედის, ლაგოდენის, ჭაბუკიანის და ბაისუბნის თემები. საერთოდ აღსანიშნავია, რომ ალაზან გაღმა რაიონმა ნაკლებად განიცადა ამ დღის საშიშროება; სეტყვა ამ რაიონში მსუბუქად იყო, მაგრამ მინდვრის მოსავალი აქაც შესამჩნევად დაზიანდა. მიზეზი განუწყვეტელი წვიმები იყო, რომელმაც ალაღებული ყანები ჩააწვინა ბევრგან და ჩააღპო. დანარჩენმა ოცდაორმა თემმა მეტ-ნაკლებობით ყველამ განიცადა ამ დღის საშიშროება და მისი მაზარალებელი შედეგები. სეტყვა ამ 22 თემში ყველას არ მოჰხვედრია ერთნაირი სიძლიერით—გამანადგურებელი იყო იგი შემდეგ თემებისთვის: **კაჭრეთის** (განსაკუთრებით ს. ჯიმითი) თავისი საუკეთესო ზარისხის პურის ცნობილ ხოდაბუნებით. ეს თემი, რომ იტყვიან, მიწასთან გაასწორა; მისივე მეზობელი თემი **არაშენდისა**, შემდეგ **ზ. მაჩხანისა**, რომელზედაც შეიძლება ითქვას, რომ თუ ქიზიყს საქართველოს ბელელს უწოდებენ, ზემო მაჩხანის ქიზიყის ბელელი უნდა იყოს; ამ სოფელს უჭირავს დიდი და საუკეთესო ნაწილი პურის სამშობლო—შირაქისა (დიდი შირაქი) და სწორედ ამ სოფელზე და მის მინდვრებზე დაანთხია მთელი თავისი მრისხანება სეტყვამ. შემდეგ მოდის ჯუგან—ტიბაანის თემები. აქ სეტყვამ საფუძვლიანად გაანადგურა კახური ღვინის საუკეთესო რაიონი **ხირსა** და ბუათის ნაწილი, ეს საუკეთესო კულტურული კუთხე. ხირსის მონაწილეა ორი დიდი სოფელი: ტიბაანი და ქ. მაჩხანისი. ამ უკანასკნელსვე დაესეტყვა თავისი კოლონია ყარაღაჩი, სადაც წინად კალოები ჰქონდათ მხოლოდ და დღეს კი მუდმივი მოსახლეობა ჩნდება. ეს ის ყარაღაჩია, რომელსაც მედიდურად დაჰყურებს თავზედ თამარის ცნობილი ციხე და ყონღოთოს მთა და რომელიც ოდესმე რეზიდენცია იყო სპარსეთის შაჰის მიერ წარმოგზავილ კახეთის მმართველებისა. იქ, სადაც არ მოხვდა ძლიერი სეტყვა და სადაც მას დიდი ზარალი არ მოუტანია, იქ ნიაღვარმა დაასრულა. ამ ორ შეერთებულ სტიქიურ ძალთა მრისხანებას კი ვეღარ ასცდა თითქმის ვერც ერთი კუთხე ჩვენი მაზრისა. საერთოდ შემდეგშიაც დიდ საშიშროებას უქადის ჩვენი მაზრის სოფლებს წყალდიდობა (ხევ-დიდობა). მთის კალთებზე გაშენებული ჩვენი სოფლები, რომლებიც დასერილია მთებიდან ჩამონავალ ხევებით, ყოველი ხშირი წვიმის დროს ახალ-ახალ უბედურების მილოდინში უძლურნი არიან შეებრძოლონ მოზღვავებულ ღვარს. ბოდბისხევი ქიზიყში ერთ-ერთ

თვალსაჩინო სოფლად ითვლება; ხევის პირებზე ჩამწკრივებულია მოსახლეობა; საშუალო ტიპის ქვეტიკრიან სოფლური სახლები, ხშირად ორ-სამ სართულიანი მოხდენილი შენობებიც და იქვე ხევის პირას, თითქმის ყველა სახლთან ხეხილის პატარა ბაღები და ბოსტნები. დღეს ეს ხაზი რიყედ არის ქცეული. ბევრი საცხოვრებელი სახლები, სავაჭროები, კალო-საბძელი და სხვა შენობები მოგლეჯილია ღვარისაგან, წაღებული. ხშირია ისეთი შემთხვევა, რომ თვალუწვდენელ კლდის სიმაღლეზე არწივის ბუდესავით მიკრული, უნუგეშოდ გადმოიყურებიან სახლები. გუშინ მის მდგმურებს ჰქონდათ მისასვლელი, საურმე გზებიც, როგორც ყველას, ჰქონდათ დამოკიდებულება გარემოსთან, დღეს კი იგინი მოწყვეტილი არიან ქვეყანას. ვინ მოიფიქრებდა, რომ ეს პატარა ხეხვები ისე აზღვაოდებოდნენ, რომ შეეძლოთ ერთის დაკვრით მოეგლიჯათ ორ-სამ თვლიანი ფიცრული საღუქნე შენობები „ბალიაანთ წყალთან“ რომ იდგა და ღვარის ტალღებს $\frac{1}{2}$ ვერსტის მანძილზედ ნაფოტივით ეთამაშებინა, ვით ზღვაზედ საბედისწეროდ განწირული ხომალდი, ეს მთლიანი შენობები, მთელი მისი შინაგანი მოწყობილობით და შეშუდით, ვიდრე კლდეზედ შეხეთქებით არ დაშლიდა მათ.

ასეთი ბედი ეწვია ბევრ სხვა სოფლებსაც და განსაკუთრებით კი ჯიმიოთ-კაქრეთს, არაშენდის თემს, ანაგას, ხირსას, ქ. მაჩხაანის ახალშენ-ყარალაჩს, ჯუგაანს, წნორს და სხვას.

სამაზრო ერობის გამგეობამ მაშინათვე მიიღო ზომები, რომ აღნუსხული და გამოკვლეული ყოფილიყო ამ სახალხო უბედურების შედეგები. ამ საქმეში მას დახმარება გაუწია ცენტრალურმა სტატისტიკურმა კომიტეტმა და ამ უკანასკნელის მიერ გამოგზავნილ ძალებით ერთი კვირის განმავლობაში მოხდა დაწვრილებითი აღნუსხვა სეტყვისა და ნიაღვრისაგან გამოწვეულ ზარალისა ჩვენს მაზრაში.

როგორც ქვემოთ მოყვანილი ცხრილიდან მკითხველი დაინახავს, თემების ზარალი შემცირებულად არის წარმოდგენილი; ეს გასაგებიც არის, რადგან იმ წესით, როგორც მიღებული ჰქონდა კომიტეტს, ძნელი იყო მის თანამშრომელთათვის ზედმიწევნით აღნუსხვა ზარალის თვითეულ შემთხვევისა იმ დროს, როდესაც მთელი ხალხი მიუხედავად ამ დეფექტებისა, გამოკვლევა მაინც სწორ სურათს იძლევა ამ სახალხო უბედურებისას.

ამრიგად მთელ მაზრაში დაზარალდა სეტყვისა და ნიაღვრისაგან 7520 კომლი, რაც შეადგენს მაზრის მთელი მოსახლეობის 27, 6%. დაზარალებულ ვენახების სივრცე, როგორც იყო აღნიშნული, უდრის 1106,86 დესეტინას ე. ი. 13,35% მაზრებში არსებელ ვენახების საერთო სივრცისას, ხოლო დაზარალებ-

ბულ ნათესების სივრცე კი შეადგენს 15585,16 დესეტინას ე. ი. დაახლოვებით 25,6% მიმდინარე სას.-სამ. წელს მაზრაში მოხსულ-მოთესილ მიწის საერთო სივრცისას. *)

ამ გამოკვლევის შედეგები ასეთია:

	დაზარალ- და მთელი მოსისხლე- ობის %	სეტყვის და ნიაღვრისაგან დაზარალდა (დესეტინობით)	
		ვენახი	ნათესები
ანავის თემში	9,4	13,99	95,22
ახაშნის "	7,1	1,01	50,71
არაშენდის "	60,36	54,87	1253,26
ბოდბის "	57,2	—	902,00
ბოდბისხევ. "	40,0	147,00	477,23
ვარდის უბ. "	26,7	0,5	293,00
ვაჭირის "	7,0	4,0	126,00
ველის ციხ. "	7,3	52,23	27,88
ზემო მაჩხაანის	6,2	93,96	1865,25
ბაკურციხის "	28,2	52,15	227,53
გურჯაანის	7,7	63,55	75,53
დედოფ. წყარ.	60,4	0,38	2656,07
კარდენახის	7,3	36,40	65,89
კაკაბეთის	13,8	94,69	195,50
კაჭრეთის	79,4	314,13	2762,28
მალაროს	26,4	0,08	631,73
მირზაანის	54,5	7,44	1701,03
მულანლოს	66,1	—	478,00
საჭობოს	7,4	0,30(?)	4,05(?)
ქვემო მაჩხაანის	29,4	38,75	201,66
ტიბაანის	94,07	81,58	774,98
ჯუგაანის	87,8	50,30	720,
		1106,88	15585,16

*) მიმდინარე წლის ნახნავეების სივრცე აღებულია ცენტრალურ სტატისტიკურ კომიტეტის ცნობების მიხედვით, ხოლო ჩვენი ცნობებით კი ნახნავეების სივრცე წელს გაცილებით მეტია, ვიდრე ეს უნდა იყოს კომიტეტის გამოანგარიშებით, და მაშინ იგივე 15585 დესეტ. დაზარალებული ნათესი, ჩვენის აზრით, არ უნდა შეადგენდეს საერთო სივრცის 15% მეტს.

ამ უკანასკნელ რიცხვიდან დიდი უმეტესობა, სახელდობრ 96^{0/0} საპურე მცენარეებზედ მოდის (ხორბალი, ქერი, სიმინდი და ფეტვი) და დანარჩენი 4^{0/0} სხვა და სხვა ნათესობაზედ (კარტოფილი, მზეუქვრიტა, თამბაქო, ლობიო და სხვა); ხოლო ამავე 15585. დესეტინიდან მარტო ხორბლის მცენარე შეადგენს 67^{0/0}—ს.

რაც შეხება დასეტყვილ ნახნავების ხელმეორედ გადახვნას, ეს ვერ მოხერხდა, რადგან ჩვენი მაზრის პირობებში უკვე დაგვიანებული იყო და გარდა ამისა გამუღმებული წვიმები შეუძლებლად ხდიდნენ ნახნავებში გუთნის შეტანას. მიუხედავად ამისა მაინც მოუსწვრიათ ხელახლად დაეთესათ 82,75 დესეტინა (უმთავრესად კაჭრეთის თემში.)

მაგრამ ზარალი მარტო ამით არ განისაზღვრება; ძნელია მრავალ წვრილმანის ჩამოთვლა, რომელთაც თუმცა კერძოდ დიდი მნიშვნელობა აქვთ, მაგრამ ამ შემთხვევაში კი იმდენად არა. ზოგიერთ თვალსაჩინო ცნობებს ჩვენი მასალებიდან მაინც მოვიყვანთ.

უკვე მოხსენებულის გარდა დაზარალდა მთელ მაზრაში: ხეხილის ბაღები და ბოსტნები 330,59 დესეტ.; სათიბები—292,75 დესეტ. ნიაღვარმა მოიტაცა: მსხვილფეხი საქონელი 91 სული, წვრილფეხი საქონელი—94; ღორები—271 და შინაური ფრინველი—1338 ფრთა. ღვარმა დააქცია და წაიღო 121 შენობა (აქედან 48 ბოდბისხევში) დააზიანა 103 შენობა.

იყო აგრეთვე ადამიანის მსხვერპლიც: ყარაღაში (ქ. მაჩხანნი) დაახლოზ ნიაღვარმა 3 კაცი, ქოდალოში— ერთი 41 წლის მამაკაცი თავისი 11 წლის შვილით და დედოფილის წყაროზედ—სამი ბავშვი მწყემსი.

საინტერესო იყო აგრეთვე გვცოდნოდა თუ რას წარმოადგენდა მთელი მაზრის ზარალი, ფულად რომ გამოგვეჩატა. ამ მიზნით ჩვენ მოვახდინეთ შეფასება მაისის პირველ რიცხვებში ადგილობრივ არსებულ ფასების მიხედვით. შეფასების ერთეულად ვიღებდით წლიურ საშუალო მოსავლიანობას და ვცდილობდით შეფასების ნორმები გადაჭარბებული არ ყოფილიყო, ასე რომ ჩვენ მიერ მიღებული ციფრები გაზვიადებულად არ შეიძლება ჩაითვალოს. ამ შეფასების მიხედვით მთელი მაზრის ზარალი ფულად გამოიხატება შემდეგში:

ვენახებიდან ზარალი უდრის . . .	146.124	ათას მანეთს
ხეხილის ბაღებიდან და ბოსტნ. . .	21.846	„ „
ნახნავე—ნათესებიდან . . .	593.923	„ „
სხვა დს სხვა შენობებიდან . . .	24.000	„ „
ოთხ-ფეხი საქონლისა და ფრინვე. .	3.240	„ „
მრავალი სხვა ზარალი (საოჯახო ნივთები, საშენებელი მასალა, სამეურნეო იარაღები, სათიბები და სხვა) . .	4.094	„ „

სულ . . . 793 227 ათასი მან.

დასასრულ უნდა აღვნიშნოთ, რომ ჭაბუკიანის თემი არ არის შეტანილი ამ გამოკვლევაში, რადგან 29 მაისის უბედურებას, რომელსაც მხოლოდ შეეხება აქ მოყვანილი ცნობები, იგი გადურჩა. მაგრამ, სამწუხაროდ, შემდეგში, სახელდობრ, 14 თიბათვეს, როდესაც ზარალის გამოკვლევა მაზრაში უკვე დამთავრებული იყო, ჭაბუკიანის თემსაც ეწვია საშინელი სეტყვა და ნიაღვარი. დაწვრილებითი ცნობები ამ ყამად ხელთ არა გვაქვს, მაგრამ წინასწარ მიღებულ ცნობებით კი ზარალი აქაც დიდია. ამის შემდეგ კი აღარ რჩება მაზრაში თითქმის არც ერთი კუთხე, სადაც სტიქიურ უბედურებისაგან ზარალი საგრძნობი არ იყოს.

მ. ყოჩიაშვილი.

P. S. წერილი უკვე დამთავრებული გვქონდა, როდესაც მივიღეთ ოფიციალური ცნობა, რომ 11 ივლისს დაისეტყვა გურჯაანის რაიონის ზოგიერთი სოფლები: თვითონ გურჯანი, ვეჯინი, კოლაგი და ჩუმლაყი. დაწვრილებითი ცნობები ჯერ ხელთ არ გვაქვს, მაგრამ როგორც იტყობინება ადგილობრივი თემი, ზარალი დიდია.

მ. ყ.



ერობათა კავშირის განსაკუთრებული კომისია.

ერობათა კავშირის კომიტეტმა განიზრახა სამაზრო ერობების და თემების ადგილობრივი მუშაობის შესწავლა. ამ მიზნით მან შეადგინა განსაკუთრებული კომისია, რომელშიაც შედიან: კომიტეტის წევრი გრ. სოგორაშვილი, მ. სმირნოვი და სტ. კონ.

კომისიამ შეაგროვა საჭირო მასალები და იენისის დამლევს დაიწყო მოგზაურობა. მან შეისწავლა ადგილობრივ ერობების მუშაობა ტფილისის, ქუთაისის, ლეჩხუმის, რაჭის, დუშეთის, თიონეთის, თელავის და სიღნაღის მაზრებში. გარდა ამისა კომისია ეცნობა თითოეულ მაზრაში რამოდენიმე თემის მუშაობას.

თემების ხმოსნები ყველა ჩამოთვლილ მაზრებში უკვე ამორჩეულია, მხოლოდ ლეჩხუმის, რაჭის და თიონეთის მაზრებში თემების გამგეობები ჯერ (ავვისტოს პირველ ნახევარში) სხვა და სხვა მიზეზების გამო არჩეული არ არის.

უმთავრესი შთაბეჭდილება ამ მოგზაურობიდან ის არის, რომ ერობათა უკვე მკვიდრათ განიდგა ფესვი ხალხის ცხოვრებაში; თუმცა როგორც ვიცით, პირველათ ამორჩეული ერობები სულ ორი წელიწადია რაც მუშაობენ. ხალხი ისე მიდის ერობის გამგეობაში, როგორც საკუთარ დაწესებულებაში, სადაც მას ყურადღებით მოუსმენენ და სათანადო პასუხს მისცემენ.

როგორც არა ერთხელ იყო აღნიშნული ჩვენს პრესაში, საქართველოს რესპუბლიკა წარმოადგენს ერთად ერთ სახელმწიფოს, რომლის მთავრობა განაგებს ადგილობრივ საჭეებს საკუთარ მოხელეების (ჩინოვნიკების) დაუხმარებლათ. და მართლაც ერობა განაგებს თითქმის ყველა სახელმწიფოებრივ საქმეებს: ადმინისტრატიულს, ეკონომიურს, სწავლა-განათლების და საზოგადოთ კულტურულ საქმეებს. ერობა — ჯარის მობილიზაციის, და სამხედრო პირთა ჯარში გაწვევის საქმეებში

იღებს უახლოეს მონაწილეობას. ერობას დაკისრებული აქვს აგრონომიული, ტექნიკური და მრეწველობის საქმეები, თავის ტერიტორიის ფარგლებში.

გარდა ჩვეულებრივ სახელმწიფოებრივ და საზოგადოებრივ საქმეთა ერობებს თავიდანვე დააწვა ორი საკითხის სიმძიმე.

პირველი არის ანარქიულ გამოსვლებთან ბრძოლა, სადაც ერობა ჩვენ გვარდიასთან ერთად მუშაობდა და ყოველ ღონისძიებას ხმარობდა საზოგადოებრივი წესრიგის დასამყარებლათ.


მეორე დიდი ისტორიული საქმე არის აგრარული რეფორმის ცხოვრებაში გატარება. გარდა სპეციალისტ მიწებ მზომლებისა, რომელთაც აგზავნის მიწათ-მოქმედების სამინისტრო, ამ ურთულ საქმეს ერობები აწარმოებენ.

რეფორმის პირველი ნაწილი ე. ი. მიწის ჩამორთმევა თითქმის დამთავრებულია. რაც შეეხება რეფორმის მეორე ნაწილს ე. ი. ფონდის მიწის განაწილებას სხვა და სხვა მაზრებში სხვა და სხვა საფეხურზე დგას. მაგალითად რაჭის მაზრაში მიწის განაწილების საქმის მოგვარება შეუძლებელი ხდება, რადგანაც ფონდში არის სულ ასიოდე დესიატინა მიწა. საზოგადოთ განაწილების საქმეში ერობები გულმოდგინედ მუშაობენ და სცდილობენ უმტკივნელოთ ჩაატარონ ეს რეფორმა.

საზოგადოთ ადგილობრივ მუშაობის გამო უნდა აღვნიშნოთ, რომ სამაზრო ერობებს სათავეში უდგანან ადგილობრივი დემოკრატიის საუკეთესო ძალები, რაც კიდევ ერთხელ აშართლებს, რომ საყოველთაო არჩევნები არის საზოგადოებრივი და სახელმწიფოებრივი ცხოვრების საუკეთესო პანაცეია.

მწყობრათ, ბეჯითად, სხვა დემოკრატიულ დაწესებულებებთან სრული სოლიდარობით და შეთანხმებით მუშაობს ერობა, რაც გვაძლევს სრულ გარანტიას, რომ ჩვენი სახელმწიფოებრივი წყობილების მსვლელობა სწორ გზაზე დგას.

გ. ს.



საქართველოს ტერიტორიის დაყოფის პროექტი.

დამფუძნებელ კრების თვითმართველობის კომისიამ მიიღო ბ. კ. ინგო-როყვას მიერ წარმოდგენილი პროექტი საქართველოს ტერიტორიის ახალი სა-ადმინისტრაციო ერთეულებათ (ოლქებად) დაყოფისა. საჭიროდ მაგვანია მო-ვიყვანოთ სულ მოკლედ პროექტის შინაარსი.

ტერიტორია დაყოფილია სულ 19—ოლქად...

1) **ტფილისის ოლქი**, რომელსაც გარდა ეხლანდელი ტფილისის მაზრისა მიემატება კიდევ მცხეთის ყოფილი საპოლიციო უბანი, გარდა ოთხი სოფლისა. თიანეთის მაზრიდან მიემატება ს. ერწო, გორის მაზრიდან ქვემო ნიჩბისის სო-ფლის საზოგადოება, სიღნაღის მაზრიდან სოფ. ჩაილური და კაკაბეთი, ბორ-ჩალოს მაზრიდან სანდარის რაიონი დაწყებული არუხლოდან წითელ ხიდანდე-ადმინისტრაციული ცენტრი იქნება ქ. **ტფილისში**. 2) **გორის ოლქში** შედის ეხ-ლანდელი გორის მაზრა, სოფ. ქვემო ნიჩბისის, წონის, ერწოს და სისპათანის გამოკლებით; ადმინისტრაციული ცენტრი იქნება ქ. **გორში**. 3) **ანანურის ოლ-ქი**—ეხლანდელი ღუშეთის და თიანეთის მაზრები გარდა იმ ნაწილისა, რომე-ლიც უერთდება ტფილისის და თელავის ოლქებს. ადმინისტრაციული ცენტრი იქნება ს. **ანანურში**. 4) **თელავის ოლქი**, რომელსაც გარდა ეხლანდელი თე-ლავის მაზრისა კიდევ ემატება: თიანეთის მაზრიდან ყოფილი თუშ-ქანეთის საპოლიციო უბანი, ხოლო სიღნაღის მაზრიდან სოფ. მუკუხანი, ველის ციხე, ზეგანი და ქერამი. ადმინისტრაციული ცენტრი იქნება ქ. **თელავში**. 5) **სიღ-ნაღის ოლქი**, რომელშიაც შევა სიღნაღის მაზრა გარდა იმ ნაწილებისა, რო-მელიც უერთდება ტფილისის და თელავის ოლქებს, საზღვრების საბოლოოდ აღდგენისა და გამორკვევის შემდეგ ამ ოლქს მიემატება კიდევ ქვემო-ყარაიაზის ველები ფოილოს ხიდიდან ალაზნის შესართავამდე და ალაზნის მარჯვენა ნა-პირზე მდებარე სექტორი, ადმინისტრაციული ცენტრი იქნება ქ. **სიღნაღი**. 6) **ახალციხის ოლქი**, რომელშიაც შევა ახალციხისა და ახალქალაქის მაზრები და ფოცხოვის რაიონი, ადმინისტრაციული ცენტრი იქნება ქ. **ახალციხე**. 7) **ბორჩალოს ოლქი**, რომელშიაც შევა ეხლანდელი ბორჩალოს მაზრა გარდა იმ ნაწილებისა, რომლებიც უერთდებიან ტფილისის ოლქს. ადმინისტრაცი-ული ცენტრი იქნება სოფ. **ქვეში**. 8) **ქალაქი ტფილისი**. 9) **ქუთაისის ოლქი**, რო-მელშიაც შევა ეხლანდელი ქუთაისის მაზრა გარდა ს. სვირის რაიონისა, რო-მელიც ემატება ზესტაფონის ოლქს, ემატება ოზურგეთის მაზრიდან სოფ. ნო-ლა და ტოლები, ხოლო სენაკის მაზრიდან ს. გულეიკარი ადმინისტრაციული ცენტრი იქნება ქ. **ქუთაისი**. 10) **ზესტაფონის ოლქი**, რომელსაც გარდა შო-რაპნის მაზრისა ემატება ქუთაისის მაზრიდან სვირის რაიონი, სოფ. სვირი, სვეტ-მალალი და როდინოული. ადმინისტრაციული ცენტრი იქნება ქ. **ზესტა-ფონი**, 11) **ოზურგეთის ოლქი**, რომელშიაც შევა ეხლანდელი ოზურგეთის მაზ-რა სოფ. ნოდასა და ტოლების გამოკლებით, ადმინისტრაციული ცენტრი იქ-ნება ქ. **ოზურგეთი**; 12) **სენაკის ოლქი**—ეხლანდელ სენაკის მაზრას საზღვრების

შემდეგი ცვლილებით ემატება ზუგდიდის მაზრიდან მდინარე ხობისა და ზან შუა მდებარე რაიონი, ხოლო აკლდება სოფ. კურზუ, გორდის რაიონი და სოფ. გულეიკარი. ადმინისტრაციული ცენტრი იქნება ახალსენაკში. 13) ზუგდიდის ოლქში—შედის ზუგდიდის მაზრა გარდა იმ ნაწილისა, რომელიც მიემატა სენაკის ოლქს ხოლი ემატება სოფ. კურზუ, ადმინისტრაციული ცენტრი იქნება ქ. ზუგდიდი. 14) ონის ოლქი, რომელსაც გარდა რაჭის მაზრისა ემატება გორის მაზრიდან სოფლები: წინა ერწო და სისპათანი. ადმინისტრაციული ცენტრი იქნება ქ. ონი. 15) სოხუმის ოლქი, რომელშიც შევა გარდა სოხუმის ოლქის ეხლანდელი საზღვრებისა მაზრის რაიონი. ადმინისტრაციული ცენტრი იქნება ქ. სოხუმი. 16) ცაგერის ოლქი, რომელშიაც შევა გარდა ეხლანდელი ლეჩხუმის მაზრისა სენაკის მაზრიდან გორდის რაიონი. ადმინისტრაციული ცენტრი იქნება ი. ცაგერი. 17) ბათუმის ოლქი—ბათუმისა და ართვინის ოლქი. ადმინისტრაციული ცენტრი იქნება ბათუმი. 18) არტაანის ოლქში შედის არტაანის ოლქი, გარდა ფოცხოვის რაიონისა და ოლთისის ოლქისა. ადმინისტრაციული ცენტრი იქნება დ. არტაანი და 19) ზაქათლის ოლქი—ეხლანდელი ზაქათლის ოლქი გარდა ალაზნის მარჯვენა ნაპირზე მდებარე სექტორისა. გარდა ამისა პროექტში მოყვანილია თვითეული ტერიტორიის სივრცე კვადრატ. კილომეტრებით და აგრეთვე მოსახლეობა სასოფლო სამეურნო აღწერის ცნობების მიხედვით.

გ-ლი.



პასტარა უანიუზნა.

ყურ. „მხედრის“ № 10-ში მოთავსებულია წერილი „ერობათა საყურადღებოდ,“—რომელშიაც აღნიშნულია რამოდენიმე ამბავი ერობის წარმომადგენლების ცუდად მოქცევისა ომში გაწვეულ ჯარისკიცთა გაჭირვებულ ოჯახების დახმარების თუ დაუხმარებლობის საქმეში.

ამ ამბების გადმოცემის სისწორის პასუხის მგებლობა, რა თქმა უნდა ავტორმა უნდა იკისროს. ხოლო ერობის სათანადო ორგანოები თავისთავად ცხადია, დაუყონებლივ მიაქცევენ ამ გარემოებას ყურადღებას, გამოიკვლევენ საქმის გარემოებას და ღირსეულად დასჯიან ბოროტმოქმედებს, სადაც და რა სახითაც უნდა აღმოჩნდეს იგი.

ქრონიკა

დამფუძნებელ კრებაში.

დამფუძნებელმა კრებამ მიიღო:

კანონი ქალ. ახალქალაქის ორმოცდა ათ საწოლიანი საავადმყოფოსი და ახალქალაქის მაზრის სოფ. ბარაღეთისა, ოკამისა და გორელმოგვის ამბულატორიების შტატის და ხარჯთ-აღრიცხვის დამტკიცებისა.

— დეკრეტი სამხედრო საავადმყოფოების ქალაქისა და ერობის თვითმართველობათათვის გადაცემისა.

— დეკრეტი ქ. სიღნაღის თვითმართველობისათვის 2.000.000 მან. მიცემისა.

— დეკრეტი ქ. გორის გასაშენებლად თავისუფალი კერძო მიწების ჩამორთმევისა

— დეკრეტი ქ. გორის სკოლების აღსადგენად 20.000.000 მანეთი გადადებისა.

— დეკრეტი სენაკის მიწის ერობისთვის 480,000 მან. სამელიორაციო სესხის მიცემისა.

— დეკრეტი ქ. ტფილისის თვითმართველობისათვის 50.000.000 მან. სესხის მიცემისა სასურსათო განყოფილების ოპერაციების გასაფართოებლად.

— დეკრეტი ქ. ქუთაისის თვითმართველობისათვის 1.0000.000 მან. სესხის მიცემისა.

მთავრობაში

სასოფლო სამეურნეო განყოფილება.

მიწათ-მოქმედების სამინისტრომ დამფუძ. კრებაში დაბალ და საშუალო სასოფლო-სამეურნეო განათლების პროექტი წარადგინა. კანონ-პროექტი ითვალისწინებს თითო თითო საშუალო სამეურნეო სასწავლებლის გახსნას აღმოსავლეთ და დასავლეთ საქართველოში. გარდა ამისა ერთი შკოლა უნდა გაიხსნას საშუალო ზონაში და ერთიც კახეთში. ამ გეგმის განსახორციელებლად მიწათ-მოქმედების მინისტრს განზრახვა აქვს გადააკეთოს ტფილისში არსებული საშუალო კულტურულ-ტექნიკური შკოლა სამეურნეო შკოლად მემინდრეოების, მებაღეობის, მესა-

ქონლეობის და ჰიდრო-ტექნიკურ განყოფილებებით. ასეთივე ტიპის სასწავლებლად უნდა გადაკეთდეს ქუთაისის დაბალი სასოფლო სამეურნეო სასწავლებელი. სწავლის ვადა 4 წელიწადია. სპეციალური განათლება მხოლოდ მეოთხე სემესტრიდან უნდა დაიწყოს. მანამდე კი მოწაფეებმა საერთო განათლება უნდა მიიღონ.

ფუფუნების საგნების შემოტანის აკრძალვა. ფინანსთა სამინისტრომ დამფუძნებელ კრებაში შეიტანა კანონ-პროექტი საქართველოს რესპუბლიკის საზღვრებში ფუფუნების საგნების შემოტანის აკრძალვის შესახებ. პროექტის განმარტებით ბარათში ფინანსთა მინისტრი აღნიშნავს ეკონომიურ მდგომარეობის მერყეობას, რასაც იმით ხსნის, რომ საქონელი ჩვენში მეტი შემოაქვთ, ვიდრე აქედან გააქვთ. ეს მოვლენა არის აგრეთვე უმთავრესად მიზეზი ფულის კურსის დაცემისა. ქართულ ბონების კურსის განსამტკიცებლად სამინისტროს საჭიროდ მიაჩნია ვალიუტის შექმნა და ეკონომიური მდგომარეობის განმტკიცება. ყველა ამისათვის კი აუცილებელია შემოსატან საქონლის შემცირება ერთის მხრივ და გასატან საქონლის გაძლიერება მეორეს მხრივ. არსებული მომქმედი კანონი ვერ არის ფუფუნების საგნების შემოტანის შემზღუდველი. ამის გამო საქართველოში შემოდიოდა გამოუსადეგარი საქონელი, რაც ამძიმებდა ჩვენს ბალანსს. ამ გამოუსადეგარს საქონელს ასაღებდენ საქართველოში და აღებული ფულით ყიდულობდნენ ნედლ მასალას, ან ოქროს და მიეზიდებოდნენ მას საზღვარგარეთ. სახელმწიფოს ეკონომიურ კეთილდღეობისათვის აუცილებელ საჭიროებას წარმოადგენს ფუფუნების ზოგიერთი საგნების შემოტანა აიკრძალოს. ასეთი ზომა არა მარტო სახელმწიფო ბალანსის საქმეს გააუმჯობესებს, არამედ ეროვნულ მრეწველობის აღორძინებასაც ხელს შეუწყობს. ფინანსთა მინისტრის მოხსენებას თან ახლავს სია იმ საქონელთა, რომელთა შემოტანაც უნდა აიკრძალოს.

აბრეშუმის წარმოება. მომარაგების სამინისტროს მეაბრეშუმეობის მთავარმა რწმუნებულმა მომარაგების მინისტრს აბრეშუმის პარკის ოპერაციების შესახებ მოხსენება წარუდგინა. მოხსენებაში აღნიშნულია, რომ ასეთი ოპერაციები უკვე თავდება. გამომშრალ პარკს აგროვებენ სამტრედიის ცენტრალურ საწყობში. ზოგიერთ რაიონებიდან წინადადებას იძლევიან შევიძინოთ წარსული სეზონების გამოშრალი პარკი. მაგალითად ზუგდიდის სამაზ-

რო ერობა ასი ფუთი პარკის მოყიდვის წინადადებას გვაძლევს. საერთოდ აბრეშუმის პარკის კომპანია მიმდინარე წელს დამაკმაყოფილებელი იყო.

ავადმყოფობის საწინააღმდეგო ზომები.

შინაგან საქმეთა სამინისტრომ დაფუძნებულ კრებაში შეიტანა პროექტი მოარულ სენის გავრცელების წინააღმდეგ საჭირო თანხის გაღების შესახებ. პროექტში აღნიშნულია, რომ სტამბოლსა და ყირიმში ხოლერით ავად გახდომის შემთხვევებია. საშიშია, რომ იგი საქართველოში გავრცელდეს. ამ მხრივ უმთავრესი ყურადღება უნდა მიექცეს ტფილისსა და ბათუმს. შინაგან საქმეთა სამინისტროსთან არსებული ჯანმრთელობის უწყება ამ მიზნისთვის 20 მილიონ მანეთის გადადებას თხოულობს.

ეროვნათა ცხოვრება

ტფილისის სამაზრო ერობა
დიღმის არხი.

დიღმის არხის გამოყვანის გამო სამაზრო ერობამ შუამდგომლობა აღძრა მიწათ-მოქმედების სამინისტროს წინაშე, რომ დიღმის რაიონში მდებარე საფონდო მიწები გადასცეს მაზრის ერობას. ამას გარდა გამგეობამ დაადგინა, ეთხოვოს მთავრობას, რომ საფონდო მამულების რეალიზაციით შემოსასვლელი ფულიდან ერობას მისცეს სესხად 20 მილიონი მანეთი.

გორის სამაზრო ერობა

საერობო აღმშენებლობა.

გორის მაზრის აღმადგენელ კომიტეტის მთავარ ინსტრუქტორის მოხსენების თანახმად გამგეობამ დაადგინა: უცვლელად დარჩეს წინად წარდგენილი სრული საამშენებლო გეგმა სამაზრო ერობის, ხოლო 1 ივნისის შუამდგომლობას (20 მილიონით დახმარებაზე ხაზინიდან საამშენ-

ნებლო საქმის დასაწყობად) ეხლა დაერთოს დამატებითი აღსნა და ცალკე ხარჯთ-აღრსცხვას პირველ რიგში ასაგებ შენობებისა ხაზინიდან მოთხოვნილ 20 მილიონით აგებულ იქმნას ამავე წელს ერთი შენობა სამაზრო ერობის გამგეობისათვის, 8 შენობა (32 ბინა) მსახრუთათვის, ყაზარმები 100 მილიციონერისათვის და თავლები 100 ცხენისთვის.

ჭინახულის გაზიდვის აკრძალვა.

ვინაიდან შინაგან მინისტრის ბრძანებით აკრძალულია გორის მაზრიდან ჭინახულის გადატანა, მაგრამ სპეკულიანტები მაინც ახერხებენ ამას, ამიტომ გორის სამაზრო გამგეობამ დაადგინა: ყველა სადგურებთან ახლოს დაყენებულ იქმნას მილიციონერი, რომელიც ჭინახულს არ მიუშვებს ვაგზლამდე.

მუშათა მაგიდა გორში.

მოპარაგების სამინისტრო თანახმა არის მუშათა მაგიდა დაარსოს გორში რწმუნებულ აბ. მიქაძის ხელმძღვანელობით, თუ სამაზრო ერობა დაეხმარება პურის შექენაში.

გამგეობამ დაადგინა: შეტანილ იქმნას ათას-ათასი მანეთი სამინისტროში და მოაწყოს მუშათა მაგიდა გორში.

სიღნაღის სამაზრო ერობა.

1919 წ. ანგარიში

(სიღნაღის მაზრის საქრამბო ხმასანთა მე-4 ყრბჯაბის აქმიდან).

1. რადგან სამაზრო ერობის გამოგეობამ დღემდე ვერ წარმოადგინა 1919 წ. დამთავრებული ანგარიში, ამიტომ ძველი 1919 წ. ანგარიშისა და გამგეობის მოქმედების განხილვა გადაიდოს შემდეგი ყრილობისათვის, ხოლო ხარჯთ-აღრსცხვა მიმდინარე 1920 წ. განხილულ იქნეს, რათა არ შეფერხდეს ერობის მუშაობა.

2. დღიდან არა უგვიანეს ორი თვისა დამთავრებული იქნეს 1919 წ. ანგარიშები და მის განსახილველად დაუყოვნებლივ მოწვეულ იქმნეს ხმოსანთა არა ჩვეულებრივი ყრილობა.

ჯ ა მ ა გ ი რ ი ს მ ო მ ა ტ ე ბ ა .

ვიღებთ რა მხედველობაში, რომ ჯამაგირის მომატება არ აუმჯობესებს მოსამსახურეთა მატერიალურ მდგომარეობას, ყრილობა ადგენს:

1. მიეცეთ საერობო მოსამსახურეთ დახმარების სახით მიმდინარე წლის 1 იანვრიდან ფულად დამატება 50%⁰ თვიური ჯამაგირისა იმ მოსამსახურეებს, რომელნიც იღებენ თვიურად ჯამაგირს 3000 მ. და ნაკლებს, ხოლო 40%⁰ ჯამაგირისა იმ მოსამსახურეებს, რომელნიც იღებენ თვიურ ჯამაგირს 3000 მანეთზე მეტს.

2. ეს დახმარება ეძლევათ იმ დრომდის, ვიდრე მოსამსახურეებს ფაქტიურად მიეცემათ სურსათი.

3. დაუყოვნებლივ შეტანილ იქმნას სამაზრო ერობის გამგეობის მიერ მომარაგების სამინისტროში თვითეულ მოსამსახურეზე 200 მან. მოსამსახურეთა სურსათზე მომარაგების ფონდში.

4. ეს დადგენილება ვრცელდება იმ მოსამსახურეებზედ, რომელნიც ამ ჟამად იმყოფებიან ერობის სამსახურში.

5. სახალხო მასწავლებლების ჯამაგირების დამატება ერობის მხრივ 1 ივლისიდან გადიდდეს კიდევ 300 მანეთით თვითეულ მასწავლებელზედ. დაევალოს საერობო გამგეობას დაუყოვნებლივ მოაწყოს მოსამსახურეთა ადგილობრივ სურსათით დახმარება.

6. დღიურები საერობო მოსამსახურეთათვის სამსახურის საქმეების გამო მათ მოგზაურობის დროს მაზრაში განისაზღვრებოდეს ერთი დღის ჯამაგირის რაოდენობით, ხოლო მაზრის გარეშე ერთი ორად

თელავის სამაზრო ერობა

საფონდო მიწების განაწილება თელავის მაზრაში.

თელავის სამაზრო ერობამ მიწათ-მოქმედების სამინისტროს დასამტკიცებლად წარმოუდგინა პროექტები საფონდო მიწების დანაწილებისა რუის პირის უბანში (იყალთოს რაიონისა) და სოფელ ურიათუბანი (ამავე რაიონისა). თანახმად ამ პროექტისა სოფ. ურიათუბანში დანაწი-

ლებულია 307 დეს., რომელიც შეფასებულია 756757 მანეთად, ხოლო რუის-პირში—735 დესეტინა, რომელიც შეფასებულია 1531289 მან. სოფელ ურიათუბანში დაკმაყოფილებულია 333 მთხოვნელი, ხოლო რუის-პირში 313 მოქალაქე. მიწათ-მოქმედების მინისტრმა წარმოგენილი პროექტები მოიწონა და დაამტკიცა.

შოროპანის სამაზრო ერობა.

ჩვენს მაზრაში ბევრი სოფლები დამშეულია, მაგრამ ერობა ზომებს იღებს სოფლების დასახმარებლად. წელს მოსავალს კარგი პირი უჩანს: იმ თანხით, რომელიც გადადო მთავრობამ დამშეულ სოფლებთან დასახმარებლად ერობა ფიქრობს შეიძინოს მოსავლიდან სიმინდი, რათა მომავალში მაინც უზრუნველყოს მცხოვრებლები სიმშობისაგან. ერობა დიდ ყურადღებას აქცევს სწავლა-განათლების საქმეს; სკოლების რიცხვი დღითი-დღე იზრდება, მაგრამ სამწუხარო ის არის, რომ არ მოგვეპოვება გამოცდილ მასწავლებელთა საჭირო კადრი, ამისათვის იძულებული ვართ სკოლები ჩავაბაროთ, გამოუცდელ მასწავლებლებს; მომავალ სამოსწავლო წლიდან ერობამ დაადგინა გახსნას ქალ. ზესტაფონში სამოსწავლო სემინარია.

ამ უკანასკნელ ხანებში გახშირდა ყაჩაღობა ქურდ-ბაცაცობა, მაგრამ მათ წინააღმდეგ მიღებულია სასტიკი ზომები. რამოდენიმე თვალსაჩინო ყაჩაღს კიდევაც მოუღეთ ბოლო. გზებს ხალისიანად აკეთებენ თვითონ სოფლებლები; ზოგიერთ სოფლებში დღეს იმდენათ შეკეთებულია გზები, რომ ეტლით მგზავრობაც კი შეიძლება. უკანასკნელი ცნობებით იმერეთში გვალვის გამო სიმინდები ყველგან გაფუჭებულია.

თაბთა სსოვრება.

წინანდლის თემი (თელავის მაზრა). ს. კონდოლს მოელის კისისხევის ხევისაგან სრულიად განადგურება; ხსენებული ხევი გაზაფხულობით საგრძნობლად დიდდება და აზარალებს მცხოვრებთ. არა ერთხელ იყო ნათხოვი რომ აღმოეჩინათ დახმარება ხევის შეკეთებაში; ამ მხრივ თელავის სამაზრო ერობამ გადადგა ნაბიჯი; წყალთა სამმართველომ გა-

მოგზავნა ორი ინჟინერი, ბ. ბ. სმოლინკოვი და ხიზანაშვილი, რომელთაც შეადგინეს პროექტი და დაწვრილებით ხარჯთ აღრიცხვა (5 მილ. მანეთი). წყალთა სამმართველოს პროექტი და ხარჯთა-ღვრიცხვა გადაუცია სამაზრო ერობისთვის. რა მდგომარეობაშია დღეს ინჟინრების ნამუშევარი პროექტი—ხარჯთაღრიცხვა ჩვენ არ ვიცით. ცხადზე ცხადია, მცხოვრებლებს არ შეუძლიანთ გაიღონ 5 მილ. მანეთი, მით უმეტეს რო, მცხოვრებლებს მიაყენა დიდი ზარალი აგრედვე სეტყვამ; ამისათვის საჭიროა მთავრობამაც იზრუნოს და გაიღოს სამელიორაციო სესხის სახით დახმარება ფულით და გადაანარჩუნოს ს. კონდოლი დაღუპვისგან; აგრეთვე საჭიროა თელავის სამაზრო ერობამ მეტის ენერგიით მოჰკიდოს ხელი ამ საქმეს.

ახლო მომავალში სამაზრო ერობაში არის დანიშნული თემთა წარმომადგენლების ყრილობა; ამ ყრილობაზედ გაშუქდება თემების ცხოვრება, მათი ნაკლი და დადებითი მხარე.

ქალაქთა თხიზარითვალღვა

სასურსათო გეგმა.

ტფილისის ქალაქის საბჭომ სასურსათო განყოფილების მოქმედების შესახებ მოხსენება დაამუშავა. მოხსენებაში აღნიშნულია, რომ ახლმა საბჭომ სხვა და სხვა საქონელის გადმოცემის დროს სულ 19—20 მილ. მან. ღირებულების ქონება ჩაიბარა. ამ ჟამად კი 200 მილ. მან. ღირებულების საქონელი არისო. სასურსათო განყოფილების ოპერაციები წინედ იძლეოდა: იანვარში 57 მილ. მან.; თებერვალში 103 მილ. მან., ამ ჟამად კი თანხა 200 მილ. მან. აღემატება. მცხოვრებთა ინტერესების დასაცავად და ბაზარზე ფასების დასაცემად ქალაქის საბჭო თავის მოქმედებას თან და თან აფართოებდა. ამ ჟამად გახსნილია 13 დუქანი, 4 მანუფაქტურის მაღაზია, 2 გასტრონომიული მაღაზია და ერთი ფესაცმელების. ქალაქი ამასთანავე ქუჩებში ნავთის ვაჭრობას აწარმოებს. სასურსათო განყოფილება არის მუშათა მაგიდის მთავარი გამწესრიგებელი ორგანო. მუშათა მაგიდის მიერ 65000 მკამელთა შორის გაწესრიგებულ სასურსათო ბარათში 50000 უშუამავლოთ სასურსათო განყოფილება აკმაყოფილებს. ყოველდღიურად სასურსათო განყოფილება მოსამსახურეებს და მუშებს 1500 ფუთ პურს აწვდის. სასურსათო განყოფილება ყოველგვარ ზომებს იღებს მიაწოდოს საქონელი მცხოვრებლებს, და მეორე მხრით ბაზრის ფასებზე იმოქმედოს. ივლისში ქალაქის მაღაზიებში 10 მილ. მან. მეტი მანუფაქტურა გაიყიდა,

ეკონომიური და პოლიტიკური სწორება

გადასახადების აკრება.

გადასახადების ამკრებ სამმართველოს უფროსი ვირსალაძე, რომელიც სარევიზიოდ აღმოსავლეთ საქართველოს სხვა და სხვა ადგილას იყო გამგზავრებული ტფილისს დაბრუნდა. რევიზია მოახდინა თიანეთის მაზრასა და კახეთის ზოგიერთ ადგილში. ვირსალაძის გადმოცემით გადასახადის აკრების წყოსი (აპარატი) ქალაქებში დამაკმაყოფილებლად არის დაყენებული. რევიზორი აღნიშნავს, რომ რძის წარმოება თიანეთის მაზრაში სათანადო სიმაღლეზეა დაყენებული. წელს კარგი მოსავალი იყო. მეჯოგეობა ფრიად ვითარდება. მეურნეობის ამ დარგებზე გადასახადების ამკრებ წყოსის სისუსტის გამო სათანადო გადასახადი ვერ არის გაწერილი. საქმის გასაუმჯობესებლად ვირსალაძეს საჭიროდ მიანჩნია გადასახადების ამკრები ინსპექტორები სამგზავრო ფულში გაუთანასწორონ სახელმწიფო დაწესებულებების მოხელეებს. ფინანსთა მინისტრი დაეთანხმა ვირსალაძის ამ მოსაზრებას და შეპირდა მას, რომ გადასახადების აკრების საქმე იმდენად კარგად არის დაყენებული, რომ მოსალოდნელია 14¹/₂ მილიარდი მანეთის შემოსავალი. ფინანსთა სამინისტროს დავალებით ვირსალაძე ბათუმს გაემგზავრა გადასახადების აკრების საქმის მოსაწესრიგებლად.

სატარიფო პალატაში.

სატარიფო პალატის პრეზიდიუმმა დაამტკიცა ეურნალისტთა კავშირის მიერ გამომუშავებული პროექტი ტარიფის შესახებ. ეს დადგენილება ძალაში შედის აგვისტოს 1. ტარიფის თანახმად ეურნალისტები განიყოფებიან სამ კატეგორიად: 1) პერიოდულ გამოცემათა სარედაქციო სამუშაოში პირდაპირი თანამშრომელი; 2) შერეულ საფუძველზე მომუშავენი და 3) მარტოდ მარტო სტრიქონებზე მომუშავენი. საპასუხისმგებლო რედაქტორთა უმაღლესი ჯამაგირი მიაღწევს 12 ათას მან. გაზეთის ჩვეულებრივ სტრიქონის უდიდესი ჰონორარი იქნება 3 მანეთი.

ქართულ ფრანგული ეკონომიური სავაჭორო პალატა.

ქართულ-ფრანგული სავაჭორო პალატა მოქმედებას შეუდგა. პალატის წევრთა დამფუძნებელ კრებაზე საფრანგეთის კონსულმა დიდი სიტყვა წარმოსთქვა და პალატას ყოველმხრივი დახმარების აღმოჩენას დაჰპირდა. აირჩიეს საბჭო 15 კაცისაგან შემდგარი. საბჭომ თავის მხრივ აირჩია პრეზიდიუმი შემდეგი შემადგენლობით: თავმჯდომარე — ი. კემულარია, ამხანაგი მ. ტოლო; პრეზიდიუმის წევრებად: ლ. ბერნეკი, ი. ზურაბიშვილი. განზრახულია მოაწყონ პალატასთან სამკითხველო ფრანგული სპეციალური პრესის მიღების შემდეგ. პრეზიდიუმმა უკვე შეიმუშავა გეგმა მოქმედებისა, რომელიც პალატის საბჭომ დაამტკიცა. ეს პროგრამა ნაწილობრივად უკვე ხორციელდება. პალატა აღგენს ქალაქებს და წერილებს ფრანგულ ენაზე, ფრანგებისათვის კი ქართულ ენაზე პალატამ საფრანგეთის ბანკების კონსორციუმთან მოლაპარაკება გამართა საქართველოში საფრანგეთის ბანკის განყოფილების გახსნის შესახებ. ამ შემთხვევაში პალატის მიზანია: ფინანსების გაჯანსაღებაში, მრეწველობის განვითარებაში, საქონლის გაცვლა-გამოცლის საქმეში და სერთოდ საქართველოსა და დასავლეთ ევროპის შორის კომერციულ დამოკიდებულების აღდგენაში მთავრობას დახმარება აღმოუჩინოს.

საკითხი ბაღიაურში მომუშავეთა ავადმყოფობის შესახებ.

კომიტეტის წევრმა ბ. სტურუამ განაცხადა ეროკავშირში, რომ ბაღიაურში მომუშავენი მეტად ძნელ პირობებში არიან ჩაყენებულნი დიდი პროცენტი აქ მომუშავეთა ავად ხდება და სააქიმოდ დახმარება კი მათ არავითარი არა აქვთ.

ეროკავშირმა დაადგინა: გადაგზავნილ იქმნას ბაღიაურში ეროკავშირის მომუშავეთათვის პატარა აფთიაქი და ეთხოვოს კომიტეტის წევრს ბ-ნ სტურუას გამართოს მოლაპარაკება ადგილობრივ საერობო ერთეულთან ბაღიაურში ეროკავშირის მუშების სააქიმო დახმარების შესახებ.

მასლაგი მუშათა დელეგაციისთვის

ერობათა მოქმედება.

ერობათა კავშირმა რესპუბლიკის საერობო დაწესებულებეთა მოქმედების შესახებ მოხსენება შეიმუშავა, რომელიც რუსეთში მიმავალ მუშათა დელეგაციას გადაეცა. მოხსენება შემდეგს შეიცავს: საქართველოს რესპუბლიკაში 20 სამაზრო ერობა და 35 წმ თემი არის მოწყობილი. ამ რიცხვში არ შედის ბათუმის ოლქი.

ერობათა თვითმართველობების ხმოსანთა არჩევნები თანასწორი, საყოველთაო და ფარული კენჭის ყრით ხდება. არჩევნები პროპორციულ პრინციპზე არის აგებული. ნორჩ საერობო დაწესებულებათ მძიმე პირობებში მოუხდათ მუშაობა, მაგრამ ერობებმა მცხოვრებთა საერთო ნდობა მაინც დაიმსახურეს. განსაკუთრებით მწვავე ხასიათი სასურსათო საკითხმა მიიღო. ამიტომ ერობები, რომ შეემსუქებიათ მცხოვრებთა მდგომარეობა, იძულებულნი იყვნენ თითქმის ყოველ მაზრაში სასურსათო მალაზიები მოეწყოთ. ამასთანავე საერობო დაწესებულებათა ორგანოები მცხოვრებთა მდგომარეობის შესახებ ცნობებს კრებენ. სურსათ-სანოვანს სამაზრო ერობები აგროვებენ თავის ხელში, დანაკლისს ყიდულობენ და შემდეგ აწესრიგებენ მცხოვრებთა შორის, იმის და მიხედვით, თუ ვინ როგორ გაჭარვებას განიცდის. ამასთანავე საერობო დაწესებულებანი—მომარაგების სამინისტროს მიერ სასურსათო გეგმის ცხოვრებაში გასატარებლად ყოველგვარ ზომებს ღებულობენ. აგრეთვე ერობები იღებენ ზომებს რაიონების ეკონომიურ კეთილდღეობის განსამტკიცებლად. ამ მიზნით სდებენ სათანადო თანხებს: ზუგდიდის სამაზრო ერობამ ამ მიზნის განსახორციელებლად 7 მილ. მანეთზე მეტი გადასდო, ბორჩალოს სამაზრო ერობამ—12 მილ. მან. მეტი, გორის სამაზრო ერობამ დაახლოვებით 3 მილ. მან, თიანეთის ერობამ 2 მილ. მან. და სხვ.

განსაკუთრებულ ყურადღებას სამაზრო ერობები სახალხო განათლების საქმეს აქცევენ: გახსნილია საშუალო და დაბალი სასწავლებლები, მოწყობილია კურსები, საკვირაო სკოლები, სამკითხველოები და სხვ. ტფილისის სამაზრო ერობამ განათლების საქმეზე თავის წლიურ ბიუჯეტის მერვე ნაწილი დახარჯა; გორის სამაზრო ერობამ წლიურ 50 მილ. მან. ბიუჯეტიდან 9 მილ. სახალხო განათლების საქმეს მოანდო-

მა; შორაპნის ერობამ 43 მილიონი მანეთიდან სახალხო განათლების საქმისათვის 12 მილიონი მან. გადასდო, ოზურგეთის ერობამ 55 მილ. მანეთიდან 21 მილ. მანეთი და სხ..

სერიოზული ყურადღება ექცევა აგრეთვე საექიმო—სასანიტარო და საბეითლო საქმეებს. ასეთივე ყურადღებით ეპყრობა სამაზრო ერობა საგზაო აღმშენებლობას და სხ. სამაზრო ერობებმა და ზოგიერთმა თემებმაც საერობო აფთიაქები გახსნეს: ოზურგეთის საერობო თვითმართველობამ 5 აფთიაქი გახსნა; ქუთაისის ერობამ—5, სენაკისამ—6 და სხვა.

ადგილობრივ პირობების ბუნებრივ სიმდიდრის და თვით მცხოვრებთა მოთხოვნისათვის თანახმად ადგილობრივ რაიონებში მრეწველობის ესა თუ ის დარგი ვითარდება. ეწყობა კარგი მექანიკური სახელოსნოები და ტყის სახერხი ქარხნები და წისქვილები. ასეთი ქარხნები მოწყობილია გორის, თიანეთის, ქუთაისის, ოზურგეთის, ზუგდილის, გუმისტანის და სხ. სამაზრო ერობების მიერ. სენაკის სამაზრო ერობამ, გარდა ამისა, კარგად მოაწყო ქსოვის საქმე. აქვე მექანიკურ სახელოსნოსთან მოწყობილია სახარატო, საზეინკალო, სასხმო და სადურგლო საამქროები. დიდძალი თანხები გადასდო აგრეთვე ერობამ რკინის გზების და სამკურნალო წყლების საქმისათვის. კერძოდ სიღნაღის და კოდორის ერობები არავითარ საშუალებას არ ზოგავენ, რომ უკეთესად მოაწყონ განთქმული ახტალის ტალახიანი აბანოები და ტყვარჩელის წყლები. თავის მხრივ ერობათა კავშირი მრეწველობის განვითარებას დიდ ყურადღებას აქცევს. ქალაქებში მან ცენტრალური სახელოსნოები მოაწყო. გახსნილია დიდი ტყის სახერხი, საპნისა და სხვა ქარხნები. ერობათა კავშირი აწარმოებს აგრეთვე საქონლის შესყიდვას და შემდეგ მცხოვრებთათვის დასარიგებლად საქონელს წვრილ საერობო ერთეულებს აწვდის.

დასასრულ ერობათა კავშირი აღნიშნავს, რომ ერობების დაწესებულებათა მუშაობამ მოიტანა სასურველი შედეგები და მან მოამზადა ნიადაგი მთელი ეკონომიური ცხოვრების საზოგადოებრივ ორგანიზაციათა განმგებლობაში გადასვლისათვის.



შრომის ბირჟის მოწოდება.

შრომის ბირჟაში ჩაწერილი უმუშევრები ამ ბოლო დროს ძალიან ხშირად აცდენენ თავიანთ რიგს; ეს კი შრომის ბირჟას საშუალებას უსპობს ბირჟაში შესული მუშა ხელის მოთხოვნილება თავის დროზე დააკმაყოფილოს. უმთავრესად ეს ეხება კვალიფიციურ მუშებს — ლითონზე და აღმშენებლების — მუშებს. აღნიშნულ დარგის მუშები არ კმაყოფილდებიან სატარიფო პალატის მიერ შემუშავებული ჯამაგირებით და ისინი უპირატესობას აძლევენ თავიანთი შრომა შრომის ბირჟის გარეშე, მის დაუკითხავად, ბაზარზე გაიტანონ. ეს ხდება სწორედ იმ დროს, როცა შრომის ბირჟაში აუარებელი მოთხოვნილება არის მუშა-ხელისა, ხოლო ბირჟას, მისდა სამწუხაროდ, არ შეუძლია დააკმაყოფილოს მწარმოებელი, რადგან ბირჟას არ მოეპოვება შესაფერი კატეგორიების უმუშევრები.

აშკარაა, დამქირავებელი იძულებული ხდება გავიდეს ბაზარში და იქიდან მოიწვიოს მუშები, რასაკვირველია, გაცილებით დიდ ფასებში. ეს კი ძალიან ცუდ გავლენას ახდენს თვით ნაწარმოების თვისება-ღირებულებაზე.

ხშირია ისეთი შემთხვევები, როცა, მუშა-ხელის გადაჭარბებულ ხელფასის მოთხოვნილების გამო, არ მზადდება აუცილებლად გასაკეთებელი საგნები. ეს უკანასკნელი შემთხვევა კი განსაკუთრებულ ზედგავლენას ახდენს საზოგადო და სახელმწიფო დაწესებულება-წარმოებაზე.

ამ ქაზად შრომის ბირჟაში ძალიან დიდი მოთხოვნილებაა ლითონზე მომუშავეთა, აღმშენებლებისა და ხე-ტყის გამამზადებელ მუშებისა და საზოგადოდ არა კვალიფიციურ მუშებისა, და სამწუხაროდ, მიუხედავად იმისა, რომ ბირჟას შეუძლიან დააკმაყოფილოს აღნიშნული დარგის მუშების ასი და ათასი უმუშევარი, მას საშუალება არა აქვს დააკმაყოფილოს მოთხოვნილების მეოთხედიც.

შრომის ბირჟაში ჩაწერილ ლითონზე მომუშავეთა პროფესიონალურ კავშირის წევრებს სხვა არა ნორმალური მოვლენაც ემჩნევათ — არავითარ ყურადღებას არ აქცევენ ბირჟის წესდებას, არ ცხადდებიან დანიშნულ დღეს, დანიშნულ დროს, ესწრებიან კვირაში ერთხელ, ეს მაშინ, როცა შრომის ბირჟაში ყოველდღე შექადის მოთხოვნილება; მას კი უძნელდება ყოველთვის შეინახოს ადგილი რიგში მყოფ უმუშევართათვის.

შრომის ბირჟა, სთვლის რა აღნიშნულ მდგომარეობას არანორმალურად, მოუწოდებს ყველა უმუშევართ ჩაეწერონ შრომის ბირჟაში და მტკიცეთ დაიცვან თავიანთი რიგი.

ამასთანავე შრომის ბირჟა საყოველთაოდ აცხადებს, რომ მისი წესდება რეგისტრაციისა არას შემოხვევაში განსხვავებული არ იქნება ამა თუ იმ კატეგორიის მუშებისათვის.

შრომის ბირჟის შემოწმებით დღიურად მომუშავე მუშის ხელფასი შემდეგნაირია:

აღმშენებლობითი მუშებს 300—355 მ., ლითონზე მომუშავეებს 300—400 მ., შავ სამუშაოზე მომუშავეებს 200 მ.

აღნიშნულ ციფრებში შედის 25⁰/₀, რომელნიც იაფ-ფასიან სურსათ-სანოვაგით ვერ სარგებლობენ სახელმწიფო ფონდიდან.

პრიზიკა და გიგლიოგრაფია.

(ზოფიტიკური კონომიის საფუძვლები ზრთფესორის შარლ-ჟიდისა, ასონ გაბილა-
იას თარგმანი).

დიდათ დიდი, პირდაპირ წარმოუდგენელი ამბავი მოხდა ისტორიაში. საქართველო, ეს ერთი ბოხჩა ქვეყანა, რომელიც ცოცხლად გაყინულ რუსეთის უშველებელ აბსოლიუტიზმს ნესტან დაერჯანივით ცხრა კლიტულში ყავდა დატყვევებული; გათავისუფლდა სრულიად და დღეს იგი ძველებურ ფეოდალურ საქართველოს მაგიერ მოინათლა წმინდა დემოკრატიულ რესპუბლიკის ემბაზში. ამასთანავე იგი ფეოდალიზმის მრავალ სამეფოთ და საერისთაოდ დაყოფილ—დანაწილებული, სრულიად გაერთიანდა ერთი დიადი, მიმზიდველი და ძლიერი დროშის ქვეშ. ამიერიდან ქართველმა მოქალაქემ შეუდარებელი სიცოცხლის ფასი ძლიერად იგძნო და ღრმათაც ამოისუნთქა.

საქართველოს დამფუძნებელი კრება და მისი ნდობით აღჭურვილი, პატიოსნებით სავსე სოციალისტური მთავრობა, დღეს ჩაბმულია უღიადეს აღმშენებლობის პროცესში. ერის ეს ორი უზენესი წარმომადგენლობა საქვეყნოთ სქედს ქართველი დემოკრატიის შემოქმედების ნიქთა ყოველ გვართ გავითარების ასპარეზს და ამით იგი კავკასიონის გიგანტის ერთ უტურფეს და უმდიდრეს ქვეყანას ახალ-ახალ, ჩვენთვის ჯერ სრულიად უცნობს ფორმებში ხვევს. ამიტომაც იგი ძირბუდიანად სპობს ძველი ფეოდალური ცხოვრების დახავსებულ ფორმებს და ნაცვლად იმისა, სამუდამოთ ამტკიცებს თავისუფალ დემოკრატიულ პრესწყებილებას.

ქართლოსიანთა ერის ყოველ სფეროსა და დარგებში მყარდება ახალი წესი, ისახება ახალი კულტურით დაწინაურებული ევროპის ხმელეთიდან ძლიერათ შემოქრილი ცხოველყოფელი ნაკადული, რომელმაც უნდა ძირეულათ გარდაქმნას ქართველი მოქალაქის მთელი არსება.

საიდან მოხდა ეს წარმოუდგენელი ამბავი? რა და რა ისტორიული მიზეზების ბრალია ასეთი გადატრიალება ჩვენი ცხოვრებისა, ასეთი დიდი რევოლუცია?

ეს დიდი, მდიდარი და მეტად გძელი ისტორიაა, მკითხველო და ამ ისტორიას, მიუცილებლათ, ჩემზე უფრო ნასწავლი, ბძენი და გამოცდილი კალმოსანიც დასწერს.

მე-კი ამ ჟამათ აღვნიშნავ მხოლოდ და მარტო ცოცხალ ფაქტს. საქართველომ ძველი ფეოდალური სახე პოლიტიკურათაც და სოციალურათაც ახალ გათავისუფლებულ დემოკრატიულ ფორმებში გამოხატა. მან დაიწყო სრულიად საკუთარი დამოუკიდებელი პოლიტიკური მოქალაქობრივი ცხოვრება და ღონიერთაც მოკიდა ხელი თვისი სულიერი და ნივთიერი კულტურის აღორძინებას, გაძლიერებას, ე. ი., სრულ გავეროპიელებას.

მარა სულიერი და ნივთიერი დოვლათის დაგროვება, ერის ძირეული გარდაქმნა არ მოხერხდება მანამ, სანამ ჩვენი ქვეყნის სიმდიდრე და საგანძური აქ-

ვე, საქართველოშივე არ დამუშავდება, ე. ი., არ გვექნება ჩვენი საკუთარი ქარხნები და ფაბრიკები ფილიანდიასავითა და პოლონეთივით, აქვე არ აყვავდება ნამდვილი ევროპიული სხვილი მრეწველობა.

დემოკრატიული სულის კვეთებით გამსჭვალული ქართველი მოქალაქე დღეს იწყებს უდიადეს სულიერ და ნივთიერ მუშაობას. ჩვენი სულიერი და ნივთიერი მუშაობა-კი წარმოუდგენილია, თუ აქედანვე გონებით არ გავჭოიტეთ, არ გავაშუქეთ ჩვენი მოქმედება. უმიზნოთ და უმიზეზოთ, გაუშუქებლათ და მტკიცეთ აუწონელ-დაუწონელათ მოქმედება, მოღვაწეობა საქართველოში ამიერიდან შეუძლებელია. როგორც წინათ გვიცხოვრია, აწი ისე ვიდრე ვიცხოვრებთ. თითოულმა ქართველმა მოქალაქემ, ქალია ის, თუ კაცია, უნდა ენერგიულათ იმუშაოს, იშრომოს და ამ შრომას წესი და გონიერება წინ წაუძღვანოს.

ყველაფერ ამას გვასწავლის ახალი და მდიდარი მეცნიერება-პოლიტიკური ეკონომია. და ყოველი ნაშრომი, რომელიც იქნება შემოტანილი ამ სფეროდან ქართულ ლიტერატურასა და მეცნიერებაში, გავვიწვევს დიდათ დიდ დახმარებას და ხელმძღვანელობას ამ ახლად აღორძინებულ დიდი და მდიდარი ცხოვრების დუღილში.

და მართლაც, ახლავე დაიწყო ჩვენში საოცარი, სერიოზული მუშაობა მწერლობისა და სტამბისა, რომ ქალაქის შიშშილობა არა გვხუთავდეს. ახლავე ფთა გაშალა წიგნების და ჟურნალ-გაზეთების გამოცემის საქმემ, იწყება თარგმანების სერიოზული ლიტერატურაც; აი, სწორეთ ესეთი, როგორც რუსებს ქონდათ გასული საუკუნის 60-იან წლებიდან გაჩაღებული.

შარშან იასონ გაბილაიას ფრანგულიდან ქართულად გადმოუთარგმნია და ქუთაისის სამაზრო ერობის სტამბაში გამოუცია ძალიან დიდ ჭანიანი წიგნი პროფესორის—**შარლ-ჟიდის** „პოლიტიკური ეკონომიის საფუძვლები“.

ქართულ გამოცემას დართული აქვს სამი წინასიტყვაობა: ავტორისა, ფილიპე გოგიჩაიშვილისა და მთარგმნელისა.

პროფესორს სრულიად ამოწურული აქვს თვისი ნაწარმოების საგანი.

თვისი ნაშრომის შესავალში პროფესორი არკვევს საეკონომიო მეცნიერების, სხვადასხვა ეკონომიური შკოლების, ადამიანის სხვადასხვა მოთხოვნილებას, ღირებულებას და აგრეთვე შრომის თეორიასაც უწვრილმანდება.

შესავალის შემდეგ, შარლ-ჟიდი თავის ნაწარმოებს ყოფს ოთხ წიგნათ. პირველ წიგნში წარმოების ფაქტორებია განმარტებული: ბუნება, შრომა და კაპიტალი. წარმოების ორგანიზაცია, როგორა ხდება წარმოების რეგულიაცია, შრომის განაწილება, წარმოების კონცენტრაცია, ასოციაცია წარმოებაში და სახელმწიფო წარმოებაც.

მეორე წიგნში გამოკვლეულია აღებ-მიცემობა, გაცვლა-გამოცვლა, ლითონის ფულები, ფულის სისტემები, ქალაქის ფული, საერთაშორისო აღებ-მიცემა. სავაჭრო პოლიტიკა, კრედიტი და ბანკები.

მესამე წიგნში განაწილებაა გარკვეული. აწერილია სხვადასხვა წესი განაწილებისა: თანამედროვე წესი და სოციალისტური წესებიც, განაწილების მონაწილეთა კათეგორიები, მიწის-მფლობელები, კაპიტალისტი რანტიე, დაქირავებულები და მოსაქმენიც.

და, ბოლოს, მეოთხე წიგნში ახსნილია მოხმარება და წარმოებასთან მისი დამოკიდებულება, ხარჯი და ნომჭირნეობა.

შარლ-ჟიდი პარიზის უნივერსიტეტის იურიდიული ფაკულტეტის სოციალური ეკონომიის ცნობილი პროფესორია და მთელ ევროპაში საკოოპერაციო მოძრაობის ერთი უნიჭიერესი და უშესანიშნავესი თეორეტიკოსთაგანიც. იმისი ცოცხალი ტემპერამენტი და ერუდიცია თანდათან დიდ ყურადღებას იპყრობს იქ. პოლიტიკურ ეკონომიაში იგი უფრო უახლოვდება გერმანიის, ასე წოდებულ, ისტორიულ მიმართულებას, რომელსაც მეთაურობს ცნობილი პროფესორი — ზომბარტი.

ქართულად ვადმოთარგმნილ პარიზელ პროფესორის ნაწარმოებში თქვენა გზიბლავთ მდიდარი აზრების მარტივად, სულ უბრალოთ გამოთქმა. ორ აზროვნობა და გაუგებრობა არსად შეგხვდებათ და ისე გატაცებით იკითხება როგორც რომანი და მოთხრობა, თუ რასაკვირველია, გაინტერესებთ თვით წიგნის საგანი, თვით პოლიტიკური ეკონომია. ეს იშვიათი ნაწარმოები ხელსამძღვანელოთ გამოადგება არა თუ ქართველ სტუდენტობას და ასაკში მოსულ მოსწავლე ახალგაზდობას, არამედ ყველას, ვისაც სურს საკუთარი შრომით წაეიდეს წინ თვით განვითარების გზაზე.

ჟურ. „კოოპერაციის“ რედაქტორმა, ისონ გაბილაიამ პროფესორის ამ წიგნის შენიერ, სუბუქ ქართულ ენაზე ვადმოთარგმნით დიდი სამსახური გაუწია ქართველ მკითხველს, რომელიც ამ წიგნს, რა თქმა უნდა, დაეწაფება.

წიგნი ლამაზათ არის გამოცემული, კარგ ქალაღლზე დაბეჭდილი, შეიცავს 380 გვერდს და ღირს 100 მან., რაც დღეინდელ ქალღღის და სტამბის ხარჯების სიძვირესთან შეღარებით, თითქმის სულ არაფერი ფასია.

ზომღელი

გ ა ლ ა

დ უ შ ე თ ი ს ს ა მ ა

ს კ ტ ი ვ ი

1 ი ა ნ .

№.№	ს ა გ ნ ი ს ს ა ხ ე ლ წ ო დ ე ბ ა	მ ა ნ ე თ ი	კ .	მ ა ნ ე თ ი	კ .
1.	ანგ. სალაროსი ერობის სალაროში არის ნაღ- დი ფული.	"	"	147,522	80
2.	ანგ. სახელდახელო თანხებ. სახელდახელიო ანგარიშით ირი- ცხება დუშეთის ხაზინაში.	"	"	375,000	"
3.	დეპოზიტები დუშეთის ხაზინის დეპოზიტში ირიცხება ერობის თანხა.	"	"	189,213	50
4.	უძრავი და მოძრავი ქონება ერობის უძრავი და მოძრავი (ინვენტარი) ქონების ლი- რებულება უდრის	"	"	7,291,263	31
5.	დებიტორები ერობას ერგება (სხვა და სხვა პირ. ვალი).	1,381,751	98	"	"
	აგრარულ განყოფი- ლებიდან.	5,994	12	"	"
	საქონლის დანაკლისისა	16,166	64	1,403,912	74
6.	საქონელი (სასურსათო). საწყობში არის საქონელი ნაყიდ ფასებში.	"	"	2,790,457	65
7.	შემოსავლის ხარჯთა-ალ- რიცხვა. მოსალოდნელია კიდევ 1919 წ. ხარჯთ-ალრიცხვის შემო- სავალი.	"	"	1,972,853	04
	ბ ა ლ ა ნ ს ი	"	"	14,170,223	04

ნ ს ო

ზ რ ო ე რ ო ბ ი ს ა

ვრის 1920 წ.

პ ა ს ს ი ვ ი

№.№:	საგნის სახელწოდება	მანეთი	კ.	მანეთი	კ.
1.	სახელმწიფო დაწესებულების თანხა. ერობას აქვს გადასახდელი სხვა და სხვა დაწესებულ. და კრედიტორების ვალი მთავრობის სესხი უ% 5 % " " " "	2,011,559 400,000 144,000	64 " "	" " 2,555,559	" " 54
2.	შემთხვევით ნაპოვნის და და- ნაკარგისა. შემთხვევით ნაპოვნის ან შე ძენილ საქონლისა . . .	"	"	183,633	80
3.	გარდამავალი თანხებისა. ირიცხება გამოურკვეველი თანხა 1 იანვრისთვის. . .	"	"	195,015	99
4.	გასავლის ხარჯთა-აღრიცხვა. მოსალოდნელია კიდევ 1919 წ. ხარჯთა-აღრიცხვის ხარ- ჯები	"	"	3,696,714	71
5.	კაპიტალი. სუფთა კაპიტალი ითვლება ერობის ქონებათ. . .	"	"	7,539,299	"
	ბალანსი	"	"	14,170,223	04

შესწორება

ჟურ. „ერობის“ მე-5 ნომერში წერილი; „არსებული კანონი თემის შესახებ“ შეცდომით ნ. ასათიანის სახელით წავიდა. უნდა იყოს: ლ. ასათიანი.

რედაქტორები: { გრ. ლორთქიფანიძე.
პ. საყვარელიძე.

გამომცემელი: ერობათა კავშირის კომიტეტი.

მიიღება ხელის მოწერა 1920 წლისათვის ორკვირეულ ჟურნალ

წელიწადი პირველი „**მროზა**“ — **82** წელიწადი პირველი

ორგანო ერობათა კავშირის კომიტეტისა. ჟურნალი მიზნათ ისახავს
ქობის ცხოვრების თეორიულ და პრაქტიკულ საკითხების ყოველმხრივ
არკვევა-გაშუქებას.




ქართულმა ბექდვითი ამხანაგობამ უკვე გამოსცა გასასყიდათ შემ-
დეგი წიგნები:

- 1) ნოე ჟორდანიას თხზულებანი I და II ტომი.
- 2) ყარიზის—„წითელი წიგნი“ რუსულ ენაზე.
- 3) პროფ. სვ. ავალიანის—მსოფლიო ისტორია. ახალი საუკ.
- 4) ივ. ელიაშვილის—დედა-ბუნების ძირითადი კანონები.
- 5) ალ. წერეთლის—მსოფლიო ისტ. დაწყებითი კურსი 1 ნაწ.
- 6) სეით იაშვილის—ბოტანიკა 1 ნაწ.

ბექდებულა და გამოცა:

- 1) ნოე ჟორდანიას თხზულებათა III ტომი.
- 2) ივ. ელიაშვილის—ბუნების სარკე 1 ნაწ.
- 3) ალ. წერეთლის—მსოფლ. ისტ. დაწყ. კურსი 2 და 3 ნაწ.
- 4) სეით იაშვილის—ევროპა (გეოგრაფია).
- 5) იაკობ ზედგინიძის—Методическая христоматія II და III ნაწ.
- 6) მისივე ქართული ან-ბანი (დედა-ენის მაგიერ)
- 7) არკადი ჩხენკელის—ბუნება. მიწა, წყალი, ჰაერი. ამათ გარდა
მზადდება რვეულები და ბლოკ-ნოტები სხვა და სხვა სახისა.

ყველა სახელმძღვანელო მოწონებული და ნება-დართულია სკო-
ლებში სახმარებლად განათლების სამინისტროს სასწავლო კომიტეტის
ერ.



281
1920

რედაქციისათვის:

ამიერიდან ჟურნალი „**მროვ**“ თავის დროზე დაუკვირ-
ნებლად გამოვა (ორკვირისი ერთხელ).

რედაქცია სთხოვს ყველა საერაობო და საზოგადოდ თვითმართვე-
ლურ ერთეულებს მოგვაწოდონ ადგილობრივი ცხოვრებიდან მასალე-
ბი: მნიშვნელოვანი რეზოლიუციები და დადგენილებანი, წერილები,
სტატისტიკური ცნობები, გამოცემანი.

ვთხოვთ ყველა რედაქციას გამოგვიგზავნონ თავიანთი გამოცემანი.

სწილისუი გამოღის

უოფელკვირეული საზოლიტიკო, საეკონომიო და სალიტერა-
ტურო გახეთი

„სოფლის მუშა“

ორგანო საქართველოს სოც-დემ. მუშათა პარტიის ცენტრალური
კომიტეტისა.

გაზეთი გამოვა ორშაბათოვით

მასალები უნდა გამოგზავნილ იქნეს გაზ. „ერთობის“ სახელზე—ტფი-
ლისში, ერთობის ქუჩა 4, „სოფლის მუშისათვის“.

სარედაქციო კოლეგიაში შედიან:

{	ალ. ლომთათიძე.
	ივ. გომართელი.
	სტ. ელიაძე.

ფასი 50 განათი.